

AVY EO DIA TONGA

JESOSY KA NIANTSO



Masindahy Jaona, ny toko faha-11, manomboka amin'ny andininy faha-18, no iriko ho vakiana.

Ankehitriny Betania dia tao akaikin'i Jerosalema, teo amin'ny dimy ambin'ny folo studio teo:

Ary maro tamin'ireo Jiosy no tonga teo amin'i Marta sy Maria, hampahery azy ireo mikasika ny anadahiny.

Avy eo Marta, vantany vao nandre izy fa tonga Jesosy, dia nandeha sy nitsena azy: fa i Maria kosa nipetraka tsara tao an-trano.

Avy eo dia hoy i Marta tamin'i Jesosy, Tompo, raha mba teto ianao, dia tsy maty ny anadahiko.

Nefa fantattro, fa na dia ankehitriny izao aza, na inona na inona hangatahanao... Andriamanitra, dia homen'Andriamanitra anao izany.

Jesosy nanao taminy hoe, Hitsangana indray ny anadahinao.

Marta nanao taminy hoe, Fantattro fa hitsangana indray izy amin'ny fitsanganana amin'ny andro farany.

Jesosy nanao taminy hoe, Izaho no fananganana, sy... fiaimanana: izay mino ahy, na dia maty aza izy, dia ho velona indray izy:

Ary izay rehetra velona ka mino ahy dia tsy ho faty mandrakizay izy. Mino an'izany ve ianao?

Izy nanao taminy hoe, Eny, Tompo: Mino aho fa ianao no Kristy, ilay Zanak'Andriamanitra, izay ho tonga eto amin'izao tontolo izao. (Ary diniho izany!)

Avy eo izy rehefa nilaza an'izany, dia nandeha tamin'ny lalany, ka niantso mangingina an'i Maria rahavaviny, nanao hoe, Tonga ny Mpampianatra, ka miantso anao.

² Ndao isika hivavaka. Ray An-danitra, amarino ireo Teny ireo ho an'ny fonay, izao hariva izao, raha miandry Anao izahay ankehitriny. Ny Teninao, ny Mpanomponao, sy ny lohateny, dia apetraka Aminaoloholo, amin'ny Anaran'i Jesosy Kristy. Amena.

Afaka mipetraka ianareo.

³ Ny tanjoko amin'ny maha-eto ahy dia ny hiezaka hanamphy ny vahoakan'Andriamanitra. Tsy hoe ny hivavaka betsaka, sy hametra-tànana amin'ny marary, fa mba hahafahan'izy ireo mahalala an'i Jesosy Kristy eto afovoantsika, ilay Zanak'Andriamanitra eo afovoantsika. Hiresaka isika izao hariva izao eo amin'ity lohahevitra ity hoe: *Avy Eo Dia Tonga Jesosy Ka Niantso.*

⁴ Ankehitriny eo amin'ity fotoana izay resahantsika ity, izany dia fotoana tena nampalahelo. Raha mba mamaky ny tantara teo amin'ny fiainan'ny Tompontsika ianareo, dia hitantsika fa sakaiza lehibe an'ity zazalahy ity Izzy, Lazarosy. Izzy dia... Taorian'ny nahalasanan'i Josefa, na lasa izy ka tonga mba hipetraka niaraka tamin'i Marta, Maria, sy Lazarosy. Ary mpisakaiza lehibe izy ireo. Izzy ireo dia... Toy ny pasitera iray Izzy tamin'izy ireo, tena—tena sakaiza iray. Ary nanamboatra zavatra kely ho Azy mba hotafiana, akanjo ambony iray hotafiana, mino aho, izy ireo no milaza, fa notenonina manontolo tsy nisy zaitra izany. Ary avy eo izy ireo dia nanao zavatra ho Azy, satria nino Azy izy ireo. Izany dia izy ireo—izy ireo no nino ka nahita an'izany. Niala tamin'ny fiangonana izy ireo, sy ny sisa, mba hanaraka Azy. Ary izany dia zavatra lehibe iray tamin'izany andro izany, ka mety ho fahafatesana mihitsy aza no sazin'izany, ny—ny miala amin'izany.

⁵ Saingy, Jesosy, ity Lehilahy izay nanaparitaka ity araka ny nolazain'izy ireo, nampisaraka ny fiangonan'izy ireo, sy niteny zavatra ratsy mikasika an'ireo mpisorony, sy—sy ny sisa, Izzy dia—Izzy dia nahavita fanimbàna lehibe tamin'izy ireo, raha ny fihevitr'izy ireo. Ary—ary na dia ny milaza ny Aminy aza dia tsy maintsy ho—ho voaroaka ao amin'ny synagogga. Ary avy eo rehefa any ivelan'ilay fiangonana ianareo, izy ireo—izy ireo dia nihevitra fa ianareo dia tsy—tsy nanana anjara ho an'ny fanavotana intsony. Raha tsy nikambana tamin'ny anankiray tamin'ireo sektany ianareo, tahaka ny Fariseo, Sadoseo, na tahaka an'izany, dia tsy nisy fanavotana intsony raha tany ivelan'izany ianareo. Ary raha nanana zò izy ireo, ireo fanalahidy, ka afaka nandaka anareo fotsiny hivoaka raha tian'izy ireo. Izany no fitenin'izy ireo manokana. Tsy mahagaga raha hoy Jesosy hoe, "Ianareo, tamin'ny alàlan'ny fombafombanareo, no nanao ny Tenin'Andriamanitra ho tsy nisy fiantraikany." Hitanareo?

⁶ Ary miverina indray izany ankehitriny, satria isika rehetra dia mahafantatra fa ny tantara dia mazàna mihitsy no mamerina ny tenany. Ary mampalahelo ny milaza, saingy efa naminaniana izany fa hiverina, ary nanao an'izany indray ilay izy.

Hitantsika fa tsy dia tsara laza loatra Jesosy.

⁷ Matetika, ireo olona dia te-hitsara an'ilay olona izay tsy mifanaraka amin'izy ireo. Tsy manao an'izany isika. Afaka

tsy hifanaraka amin'ny anankiray hafa isika, kanefa aoka ho amin'ny fisakaizana. Raha tsy afaka ny tsy hifanaraka amin'ny olona iray aho, nefä mbola tia azy sy mivavaka ho azy foana, ary tsy mifanaraka aminy eo amin'ny fototry ny Soratra, ary ho an'ny fahazavana tsaratara kokoa, amin'izay fotoana izay dia tsy hiteny aminy na inona na inona aho. Tiako foana ny tsy hifanaraka aminy, amin'ny fisakaizana, satria tiako izy, ary izaho—izaho dia tsy tia azy ho very tokoa. Ary tokony hanao tahaka an'izany amiko izy; tsy te-ho very izahay. Ary tsy maintsy mampifototra ny eritreritray eo amin'izay lazain'ny Teny izahay. Aoka ny Teny no ho Fahamarinana. Tsy ny fanekem-pinoantsika na hoe inona ireo eritreritsika, fa izay Lazainy; tsy fandikana manokana, izay nolazain'ny Teny mihitsy.

⁸ Indray hariva, nanao zavatra iray aho ary toy ny hoe saiky faniratsirana ilay izy, mino aho fa tao amin'ny sakaf marainan'ny mpitoriteny izany indray maraina. Nataoko teo amin'ny fitsapana Jesosy. Hoy aho hoe, “Tahaka ny nataon’izy ireo fotsiny tamin’izany, dia toy izany koa no ataon’izy ireo amin’izao andro izao.” Angamba ho tsara raha averiko vetivety fotsiny indray izany, raha manam-potoana isika. Ankehitriny, nilaza aho, amin’izao andro izao dia hitantsika fa . . .

⁹ Tamin’ny fanavaozan’i Luther, izy, tamin’ny andron’izany, nilaza izy fa ny marina dia ho velon’ny finoana. “Ilay lehilahy izay mino, izy no nahazo an’Izany.” Fa isika dia nahita ny maro tamin’izy ireo izay nilaza fa nino, nefä tsy nanana an’Izany.

¹⁰ Tamin’ny andron’i—i John Wesley, raha nahazo an’ilay fitahiana faharoa izy ireo, nantsoin’izy ireo hoe fanamasinana izany, fanamasinana manontolo, dia faly izy ireo ka niantsoantso. “Ny olona rehetra dia niantsoantso, nanana an’Izany.” Fa izy ireo dia nahita fa tsy nanana an’Izany izy ireo. Maro tamin’izy ireo no niantsoantso, nefä tsy nanana an’Izany.

¹¹ Tamin’ny andron’ny Pentekosta, hoy izy ireo hoe, “Ankehitriny dia tonga ny famerenana an’ireo fanomezana, ny batisan’ny Fanahy. Izay miteny amin’ny fiteny tsy fantatra, dia mahazo an’Izany.” Hitantsika fa maro no niteny tamin’ny fiteny tsy fantatra, nefä tsy nahazo an’Izany.

¹² Noho izany hoy izy ireo hoe, “Eny, ny vokatry ny Fanahy, dia izany ilay Izy.” Oh, tsia, tsy izany no vokatry ny Fanahy. Manana an’izany ny Siansa Kristiana, izay saiky . . . Ny fitiavana no vokatry ny Fanahy. Tamin’izany fotoana izany, ary izy ireo dia manana fitiavana betsaka noho ny olona rehetra, nefä manda ny Maha-Andriamanitra an’i Jesosy Kristy; miantsa Azy fotsiny hoe mpaminany iray, olona tsotra iray fotsiny. Hitanareo? Noho izany dia tsy izany no manao an’ilay izy.

¹³ Mamelà ahy hanontany an’izany iray minitra fotsiny. Ndao isika hitondra an’i Jesosy eo amin’ny fitsarana. Ary hamela ahy

anie Andriamanitra ho an'izao filazana izao, avy eto amin'ny lampihazo, saingy hanohitra Azy mandritry ny iray minitra aho, mba hitondra an'ilay Hazavana fotsiny ho anareo. Hitanareo?

¹⁴ “Ankehitriny dia manana anareo vahoaka aho eto izao hariva izao; miresaka aminareo aho. Tany amin’ny andro hafa iray tany aoriania tany aho rehefa teto an-tany Jesosy avy any Nazareta. Manatona anareo aho, ary handanjalanja miaraka aminareo hanohitra an’io Lehilahy io, Jesosy avy any Nazareta. Ankehitriny mahafantatra isika rehetra fa Andriamanitra dia fitiavana. Ny Baiboly no milaza fa izany Izy. Eny àry, ary ny fitiavana, ny Fanahy dia faha-...fahari-po, fahamoram-panahy, faharetana, fahalemem-panahy, sy ny sisa, ary fitiavana. Ankehitriny hiteny aho, te-hanontany zavatra iray aminareo aho. Halaintsika izay—izay fantatsika, Kristiana iray.

¹⁵ “Jereo io mpisoronareo fahiny io. Ny rain’ny-rain’ny-rain’ny-raibeny dia mpisorona. Tsy maintsy teraka tao amin’ny taranaky ny Levita izy, mba ho mpisorona. Hitantsika, ankehitriny, izy dia tsy manana fiainan’ny lehilahy tanora iray tahaka ny nananan’ny sisa aminareo. Inona no ataony? Manao fanatitra ny tenany izy, any ambony any izy mba hianatra ny Teny, ny Tenin’Andriamanitra. Mandinika an’izany izy, andro aman’alina, andro aman’alina, tsy maintsy mahafantatra ny litera rehetra amin’izany, ny teny rehetra eo amin’ilay horonana. Tsy maintsy mahafantatra an’izany amin’ny fony izy. Izy—izy, zavatra iray mikasika an’izany fotsiny izay tsy maintsy fantany.

¹⁶ “Avy eo, ankoatr’izay, rehefa nivady ny rainareo sy ny reninareo, dia iza no nanakambana azy ireo niaraka ho vady lahy sy ho vady vavy? Ilay mpisoronareo masina fahiny. Iza no tonga teo amin’ny rainareo rehefa nila zavatra izy ka nitrosa vola ho an’ny toeram-piompiany, ary tonga naka an’izany ireo mpanao antoka. Iza no nanohana azy? Ilay karazana mpisoronareo fahiny. Iza no nanohana ny reninareo tao amin’ilay efitra rehefa niteraka anareo izy? Ilay karazana mpisorona fahiny. Iza no tonga eo aminareo rehefa marary sy mila zavatra ianareo? Ilay karazana mpisoronareo fahiny. Iza no nitso-drano anareo ka nametraka anareo tamin’Andriamanitra, ary namora anareo tamin’ny andro fahavaloo? Ilay karazana mpisoronareo fahiny. Rehefa saika nisaraka ny rainareo sy ny reninareo, iza no namerina azy ireo hiaraka, nihazona azy ireo hiaraka? Ilay karazana mpisoronareo fahiny. Rehefa misy olana eo amin’ny mpiara-monina, iza no miahay an’izany? Ilay karazana mpisoronareo fahiny. Izany tokoa.

¹⁷ “Ankehitriny io karazana mpisorona fahiny io dia mahafantatra fa ny Baiboly no nilaza fa Andriamanitra dia mitaky zanak’ondry iray ho fanatitra. Maro aminareo lehilahy no mpandrahahaha, noho izany dia tsy miompy ondry ianareo, kanefa mitaky ondry iray Andriamanitra. Nanao talantalana izy ireo tany, nivarotra ny ondriny izy ireo mba hahafahan’ilay—

ilay mpandrahahara handeha any ka hividy an'izany, hanolotra fanatitra iray ho an'ny fanahiny, izay takian'Andriamanitra.

¹⁸ “Inona no nataon’ity Lehilahy tanora ity, nantsoina hoe Jesosy? Avy taiza Izy? Voalaza fa Izy dia teraka, fahaterahana ara-virijiny iray. Iza no mba efa nandre zavatra tsy misy dikany tahaka an'izany? Fantatsika fa ny Reniny dia efa nanana Azy talohan’ny nahaterahan’izy sy Josefa . . . na nivadian’izy sy Josefa, no teraka Izy. Ankehitriny hitantsika fa Izy dia nanana ny—Izy dia nanana anaran-dratsy iray, hatrany am-piandohana.

¹⁹ “Kara-pikambanana inona no Ananany? Raha Lehilahy masina iray Izy, vondrona inona no Nikambanany? Rehefa nianatra ireo mpisoronareo, nianatra, nianatra, nianatra, mba hahafantatra an'ilay Teny; dia indro tonga teo Izy, nandrodana an'izay naoriny. Ianareo ve dia hiantso an'izany hoe 'Andriamanitra'? Tsia tokoa.

²⁰ “Ankehitriny, indray andro, rehefa nanamboatra an'ilay toerana tany ilay mpisoronareo, ilay . . . ary izay hividiananareo an'ilay fanatitra, dia inona no nataon’io lehilahy tanora io? Fahatsaram-panahy? Nikapoka Izy, nanambatra tady sasantsasany, zavatra . . . ? . . . ka nampitandrina an'ireo olona, tamin’ny fahatezerana; nanongana an'ireo latabatra, ary nikapoka azy ireo tany. Dia miantso an'izany ho vokatry ny Fanahy ve ianareo, mijery azy ireo, amin’ny fahatezerana? Ary, jereo, manakana ny olona amin’ny fanararaostrany mba hanompo an'i Jehovah! Te-hanompo Azy ilay mpandrahahara; tsy miompy zanak’ondry izy, ary nandeha teo izy mba hividy an'izany. Fa Navadiny izany, dia nodakany ireo, ary noroahany izy ireo.”

²¹ Iza no manana ny vokatry ny Fanahy eo? Hitanareo? Eo ianareo izao. Hitanareo, tsy izany no vokatry ny Fanahy, tsy ny fitenenana amin’ny fiteny tsy fantatra, tsy ny fiantsoantsoana.

²² Hoy ianareo hoe, “Noho izany, Rahalahy Branham, inona no porofo? Inona no porofo?” Ny fanamarinana ny Teny ao amin’ilay ora.

²³ Nanana ny Baiboly izy ireo. Izy marina tokoa no nolazain'i Jehovah fa hitranga. Tsy mila fandikana mihitsy izany. Izany no nandika teo. Teo ireo mpisoronareo, teo izay rehetra nananan’izy ireo, ary ny zavatra hafa rehefa dia tena nandeha am-pahazarana fotsiny sy ny sisa, kanefa diso tamin’ny fahitana ny Teny izy ireo. Ary Izy no nanao an'ilay Teny ho velona ho an'io taona io. Izany ilay porofo an'io taona io.

²⁴ Nanana ny porofo ho an'ny taonany i Luther, Wesley ho an'ny taonany, ny Pentekosta ho an'ny taonany, saingy ao amin’ny taona hafa iray isika. Tsara ireo zavatra ireo. Fa tahaka ny zazakely iray, manana rantsan-tànanana iray, maso iray, ary orona, saingy tsy maintsy lasa olombelona iray izy afaka kelikely. Izy dia tsy maintsy lasa ho—ho ankizy lehibe

iray; avy eo dia teraka, manana aina iray, vatana, fanahy, afaka mandehandeha.

²⁵ Ankehitriny dia hitantsika fa, io rehetra io, tamin'ny vitsy fotsiny no nanambaran'i Jesosy an'izany. Ireo izay Notendreny ho amin'ny Fiainana fotsiny, no nahita Azy. Tsy ireo vahoaka betsaka; ny Vahoakany dia tsy afaka hitovy mihitsy tahaka ny vahoakan'i Kaiafa. Nahoana, afaka niantso ny firenenia manontolo hiaraka i Kaiafa. Jesosy dia niantso vitsy fotsiny hiaraka. Tsy maro no nahafantatra Azy. Fotoana an-tapitrisany, rehefa tonga teto an-tany Izy. Nandeha nanerana ny tany Izy, nefá tsy nahafantatra mihitsy izy ireo hoe teo Izy.

²⁶ Toy izany koa no nataon'izy ireo indray! Ho avy ho an'ireo izay nantsoina ho amin'ny Fiainana Izy. Izy no mahafantatra hoe iza no nantsoina ho amin'ny Fiainana. Ary Izy tsy... Raharahany ny miahys an'izany.

²⁷ Ankehitriny dia mahamarika isika fa tamin'izany dia nivoaka tao amin'ny fiangonana izy ireo, ary nino Azy izy ireo. Ny zavatra rehetra izay efa nolazain'ny Teny mikasika Azy, dia teo Izy.

²⁸ Ary indray andro dia niala tao an-tranon'izy ireo Izy. Te-hiresaka ny amin'ireo zavatra telo aho: niala Jesosy; tonga ny fahafatesana; ary lasa ny fanantenana rehetra. Te-hiresaka eo amin'ireo zavatra telo ireo aho mandritry ny minitra vitsy.

²⁹ Niala Jesosy. Ary rehefa niala Izy, dia niditra ny olana. Ankehitriny rehefa miala aminareo Izy, na ny trano izay onenanareo, dia eo amin'ny lâlany izay ny olana. Manana varavarana iray misokatra i Satana rehefa miala Jesosy.

³⁰ Lasa Izy, ary—ary vantany vao niala Izy, tamin'izay fotoana izay dia niditra ny fahafatesana. Ary rehefa mivoaka Jesosy, dia miditra ny fahafatesana. Ny tafasaraka Aminy dia fahafatesana, noho izany dia niditra ny fahafatesana rehefa nivoaka Jesosy.

³¹ Ary nitoetra naharitra teo amin'i Lazarosy ny fahafatesana. Ary tamin'izay fotoana izay ilay Anankiray izay ninoan'izy ireo sy tiany, naniraka hankany Aminy izy ireo mba ho tonga ka hivavaka ho an'i Lazarosy, satria efa nahita Azy izy ireo ary nahafantatra fa Izy dia nahafantatra an'Andriamanitra, ka na inona na inona Andriamanitra... Nasehon'i Marta teo izany hoe, "Na inona na inona Lazaina amin'Andriamanitra ankehitriny, dia hataon'Andriamanitra izany." Fantany fa Izy sy Andriamanitra dia iray. Izy no Tenin'ilay ora, koa dia fantany izany. Ary fantany, fa tena ho afaka hifandray Aminy izy, saingy lasa Izy ka tsy nahatratra Azy izy ireo. Ary naniraka hankany Aminy izy ireo, fa, raha tokony ho tonga Izy, dia nandeha lavidavitra kokoa Izy. Dia naniraka indray izy ireo avy eo, ary, raha tokony ho tonga Izy, dia nandeha lavidavitra kokoa Izy.

³² Manontany isika indraindray hoe nahoana no mitranga izany zavatra izany, saingy tsy nilaza ve ny Soratra hoe, “Ny zavatra rehetra dia miara-miasa hahasoa an’ireo izay tia an’Andriamanitra”? Fantany izay Hataony. Raha mangataka andro Izy, dia mety tsara izany. Fantany izay Hataony. Misy tanjona iray izany.

³³ Hitantsika fa Izy no nilaza, ao amin’ny Masindahy Jaona 5:19 hoe, “Marina tokoa, marina tokoa, Lazaiko aminareo, tsy afaka manao na inona na inona amin’ny Tenany ny Zanaka, afa-tsy izay Hitany atao’ny Ray.”

³⁴ Ny Ray no niteny Taminy mba handeha, ary handeha mandritry ny andro maro. Taorian’ny nahataperan’ireo andro ireo, tamin’izay Izy no nilaza an’izay Nolazainy tamin’izany fotoana izany, hoe, “Matory i Lazarosy sakaizantsika.”

Dia hoy izy hoe, “Eny, tsara raha izany izy.”

³⁵ Hoy Izy hoe, “Maty izy. Ary noho ny aminareo dia faly Aho fa tsy tany Aho.” Satria, niezaka izy ireo ny hahazo Azy mba hankanesana any aminy, mba hanasitrana azy na hiteny an’izay tokony hatao. Fa Fantany izay tokony hatao, noho izany dia nanao marina tokoa an’izay nanendrena Azy mba hatao Izy: mijanona lavitra. Marihonareo Izy teo amin’ilay fasana rehefa niverina Izy. Izy no naneho an’izany rehefa niverina Izy ka nahita an’io tokantrano io.

³⁶ Lasa ny fanantenana rehetra. Maty Lazarosy. Ny ora rehetra, dia nanohy nieritreritra izy ireo hoe, “Mety hiditra an-tsehatra Izy. Mety hiditra an-tsehatra Izy. Mety hiverina Izy.” Farany, maty izy, niala taminy ny fofon’aina.

³⁷ Lasa izy ireo, nanosotra azy, nanala an’ilay rà teo amin’ny vatany, namono azy tamin’ny lamba hariry, ireo zava-manitra, ary namono azy ka nametraka azy tao anatin’ny fasana, nametraka vato teo ambonin’ilay fasana, izany no fanaon’izy ireo amin’ny fandevenana tamin’ny androny. Lavaka iray amin’ny tany, angamba ao anatin’ny vato fotsiny, ary mametraka vato eo amin’ny tampon’izany, izany no fanaon’izy ireo.

³⁸ Lasa ny andro voalohany, lasa ny andro faharoa, lasa ny andro fahatelo, lasa ny andro fahefatra, efa niha-lò tao anatin’ny fasana ilay lehilahy. Efa nihintsana angamba ny orony. Izany, heveriko fa izany no zavatra voalohany izay mihintsana, dia ny orona. Ary efa lò izy. Ny-nynofony dia efa niverina ho vovoka, amin’ny tany, na teo am-piverenana. Ny ainy dia efa nandeha tany ho any nandrity ny efatra andro, niala taminy.

³⁹ Ny fanantenana rehetra ny mba hahitana azy indray, eto amin’ity fiainana ity, dia efa lasa. Ary tamin’izay fotoana izay rehefa lasa ny fanantenana rehetra... Niandry izy ireo hoe, “Angamba raha ho tonga Izy amin’ny andro voalohany, ny andro

faharoa!” Tsia. Avy eo dia maty izy, nefà tsy tonga Izy. Niditra ny famoizam-po avy eo.

⁴⁰ Afaka kelikely dia nisy olona iray izay tsy maintsy niteny taminy hoe, “Ao ivelany ao ny Mpampianatra.” Indro mandeha eny an-dàlambe i Marta!

⁴¹ Tonga tao amin’io ora maizina io Jesosy rehefa lasa ny fanantenana rehetra. Izany mazàna no Ahatongavany. Hitanareo? Amin’izany fotoana maizina indrindra izany mihitsy Izy no tonga, amin’izany fotoana izany no miseho eo amin’ny sehatra Jesosy.

⁴² Ankehitriny diniho, tonga Izy ka niantso an’i Marta. Ny Fanatrehany no nitondra fanantenana vaovao. Tsy mampaninona na maty aza ilay zazalahy, mbola mitondra fanantenana vaovao Ny Fanatrehany.

⁴³ Mety mipetraka eto ianareo izao hariva izao, ry sakaizako, izay nandaozan’ireo dokotera anareo, miaraka amin’ny homamiadana, aretim-po. Angamba ao amin’ny sezà iray, kilemaina, ny siansa rehetra dia nilaza fa tsy misy fanantenana intsony ho anareo; ny faikan’ny kalsioma dia—dia nampivonto ny—ny—ny taolanareo, ka tsy afaka mamoritra azy ireo intsony ianareo. Na, na hoe ny—ny fonareo dia tena ratsy, milaza ny dokotera fa mety ho lasa amin’ny minitra rehetra ianareo. Oh, ary andian’olona betsaka miaraka amin’ny homamiadana sy TB, angamba ilay fanantenana farany izay anananareo, ary ilay izy dia toy ny hoe nihodina taminareo ny dokotera. Kanefa, ny eo amin’ny Fanatrehana sy ny fahalalana ny Fanatrehan’i Jesosy Kristy, dia mitondra fanantenana indray.

⁴⁴ Misy olona iray mihitsy aza afaka manonona an’ilay izy aminareo. Angamba tsy mbola nandre ny amin’izany mihitsy ianareo taloha, fa avelao ny olona iray hanao hoe, “Fantatro fa misy ny fiangonana iray, mino an’Andriamanitra izy ireo ary mivavaka ho an’ny marary,” haingana ankehitriny (vonona ny ho faty ianareo), hitanareo, mitsiry ireo fanantenana vaovao. Izany foana no ataony. Ao amin’izany ora maizina izany, izany mazàna no itenenan’ny olona iray zavatra mikasika an’ilay izy, miteny aminareo mikasika an’i Jesosy. Ny Fanatrehany no nitondra fanantenana vaovao.

⁴⁵ Enga anie Izany hanao an’ilay zavatra mitovy izao hariva izao, tahaka ny Nataony omaly hariva, rehefa hitantsika ilay Teny voamarina tsy nisy aloky ny fisalasalana mihitsy, izay tonga voaseho sy voaporofô; hoe ilay Jesosy izay velona sivinjato sy arivo taona lasa izay, izay maty teo Kalvary, nitsangana tamin’ny andro fahatelo, ka niseho tamin’ireo mpianatra sy nampahiratra ny masonry, ary nanao an’ity teny fikasana an’ny andro ity, dia eto mihitsy izao hariva izao eo anatrehantsika ankehitriny. Izany dia vonona ny hitondra fanantenana ho an’ny olona. Manjelanjelatra ireo fanantenana vaovao.

⁴⁶ Angamba nisy olona iray nanao hoe, “Ilay fiangonana dia efa somary maina nandrity ny fotoana fohy. Tsy nanana rano madio tsara intsony izahay nandrity—nandrity—nandrity ny volana vitsivitsy. Tsy nanana fifohazana izahay. Toa tena tsy mihetsika intsony ny olona, na zavatra hafa iray. Mandeha any am-piangonana fotsiny izahay dia mihira hira fiderana iray, ary—ary mandre hafatra fohy dia miverina.” Saingy tampoka teo, avy eo, rehefa manomboka miha—maina isika, amin’izay fotoana izay dia miditra an-tsehatra Jesosy, manavao antsika, mitondra zavatra vaovao ho antsika. Eo foana Izy mba hanao an’izany. Tonga ireo fanantenana vaovao rehefa—rehefa miditra Jesosy. Ny Fanatrehany no mitondra fanantenana vaovao.

⁴⁷ Fantany fa Izy io Tenin’Andriamanitra voaseho io. Efa nahita an’io taona io izy. Na, raha tsy nahita izy, dia mbola ho Ortodoksa iray foana izy. Mbola ho nikambana tamin’ilay fiangonana foana izy. Saingy efa hitany io Teny nampanantaina io. Efa hitany io Teny nampanantaina voaseho tamin’ny Alàlany io ary fantany fa Izy io Teny velona io. Ary rehefa nandre ny amin’izany izy, dia tsy nahoany hoe firy no nitsikera azy, inona koa, nivoaka nitsena Azy haingana arak’izay vitany mihitsy izy. Hitanareo? Fantany fa Izy io Teny voaseho io.

⁴⁸ Tsy isalasalana fa izany no novakiany avy tao amin’ny tantaran’i Elia tamin’ny androny. Ankehitriny, izy no Tenin’Andriamanitra voaseho tamin’izany andro izany. Mpaminany izy, ary ny Tenin’ny Tompo dia tonga amin’ny mpaminany. Ary nisy vehivavy iray teo, izay nahazo zazakely iray izay nomena azy tamin’ny alàlan’ny tso-drano iray izay nitsofan’ilay mpaminany rano azy, ary nanana an’ilay zanaka izy.

⁴⁹ Indray andro, teo amin’ny iraika ambin’ny folo ora teo, tsy maintsy tratran’ny hain’andro izy. Tany an-tsaha niaraka tamin’ny rainy izy, ny Baiboly dia tsy nilaza fa izay ilay izy, nilaza fa hain’andro izany, fa nanomboka nitaraina izy hoe, “Ny lohako! Ny lohakol!” Teo amin’ny iraika ambin’ny folo antoandro teo. Ary naka mpanompo iray izy, naka ilay ray, mba hitondra azy ho any an-trano. Nandry teo amin’ny lohaliky ny reniny izy hatramin’ny teo amin’ny mitataovovonana teo, niha-narary sy niha-narary, ary farany dia maty.

⁵⁰ Ary ankehitriny, raha tokony niditra tao amin’ny famoizam-po, ny mpiara-monina rehetra dia tonga nikiakiaka sy nanohy, saingy io reny mahatoky io kosa, maty ny zanany, nentiny niakatra tao amin’ilay efitra kely izay nomaniny ho an’ilay mpaminany izy, ary napetrany teo ambonin’ny fandriany izy, tahaka an’izao. Ary hoy izy tamin’ilay mpanompo hoe, “Asio lasely ho ahy ny ramole, ary mandehana avy hatrany ianao, dia aza mijanona raha tsy izaho no miteny aminao.” Oh, oadray! Izany ilay izy!

⁵¹ Tsy manana fotoana hiadian-kevitra sy hifamaliana isika. Efa nilaozan'ny andro izany. Ndao isika hanohy. Tsy maintsy tonga any isika. Manana ilaina isika.

⁵² Ary noho izany dia hoy izy hoe, “Mandehana mialoha ianao, ary aza mampiadana ny fandehanao raha tsy izaho no mandidy anao.” Ary nandeha izy ireo mandra-pahatongan’izy ireo teo amin’i Elia.

⁵³ Elia, amin’ny maha-lehilahin’Andriamanitra, tsy tahaka an’i Kristy; Kristy dia nahafantatra ny zavatra rehetra, satria Andriamanitra Izzy. Elia dia ampanhan’Andriamanitra. Izany no Kristy tao amin’i Elia. Ary izany ilay hafatry ny ora, satria ny Tenin’ny Tompo ho an’io ora io dia niaraka tamin’io mpaminany io.

⁵⁴ Jesosy no fahafenoan’ireo mpaminany rehetra ireo, ny tsirairay tamin’izy ireo dia naneho Azy fotsiny. Izay ihany. Hatramin’izay nanomboka tamin’i Josefa, nanomboka tamin’ireo volafotsy telopolo, na aiza na aiza, Izzy—Izy dia endrik’i Kristy. Toy izany koa i Mosesy!

⁵⁵ Davida, nipetraka toy ny mpanjaka nolavina teo ambonin’ny havoana, nitomany satria nolavina izy. Valonjato taona taorian’izany, dia nipetraka teo ambonin’ny havoana iray ilay Zanak’i Davida. Izany no Fanahin’i Kristy tao amin’i Davida teo. Ary Izzy...Oadray! Izzy dia sady Fototra no Solofon’i Davida. Ary noho izany dia nipetraka teo ambonin’ilay havoana Izzy, nitomany, toy ny Mpanjaka nolavina hoe, “Ry Jerosalema, ry Jerosalema, impiry moa Aho no te-hanomba anao, tahaka ny hanomban’ny akoho ny zanany.” Inona izany? Kristy izany teo.

⁵⁶ Kristy nitomany izany rehefa nanoratra an’ilay hira fiderana i Davida hoe, “Andriamanitra, nahoana no mahafoy Ahy Ianao. Ny Taolako rehetra, mibanjina Ahy izy ireo. Nofantsihan’izy ireo ny Tongotro sy ny Tànako. Nozarain’izy ireo teo anivony ny Fitafiako. Nataon’izy ireo filokana ny Akanjoko.” Kristy niteny tao amin’i Davida izany. Marina izany. Izzy no fanehoana ny Teny. Tonga i Kristy mba hanatanteraka an’ireo zavatra izay efa nolazain’ny mpaminany ireo, satria ny Teny dia niaraka tamin’ireo mpaminany.

⁵⁷ Nilaza an’izany Izzy tao amin’ny lesona omaly hariva, fa tonga Izzy mba hanatanteraka an’izay nolazain’ireo mpaminany mikasika Azy, satria nanana ny Teny izy ireo. Ary Elia dia mpaminanin’Andriamanitra, ilay Teny an’izany andro izany.

⁵⁸ Noho izany dia nijanona niaraka tamin’io mpaminany io ilay vehivavy Sonemita hany izy ka tonga sy naneho ny herin’Andriamanitra, ary nampandry ny tenany teo ambonin’ilay zazakely, ary niverina tamin’ny fiainana ilay zazakely.

⁵⁹ Ankehitriny tsy maintsy nahalala an'izany i Marta, na dia sahirana niahny ny trano aza izy, nanasa vilia, sy ny sisa. Fa teo izy no nampiseho ny lokony. Tena nasehony tokoa izay tao anatiny. Nandeha izy mba hahazo Azy avy hatrany. Raha tao amin'i Elia Andriamanitra, dia tsy maintsy ho ao amin'i Kristy Andriamanitra, satria Izy no nanaporofo fa Izy io Olona io. Amena. Tiako izany, izany fanapahan-kevitra izany! Mandeha mankany Aminy izy. Tsy maintsy nahazo Azy izy. Ary hitany teo, raha nandeha izy nankany Aminy—nankany Aminy; ankehitriny tsarovy, fantany fa tsy nanova mihitsy Izy, fa tsy manova ny Fandaharany mihitsy Andriamanitra. Raha tao amin'i Elia Izy ka afaka nanangana ny maty, dia tao amin'i Kristy Izy ary afaka nanangana ny maty, na dia mbola tsy Nataony aza izany, satria ilay Andriamanitra iray ihany izany.

⁶⁰ Tsy mbola niova mihitsy Izy! Tena Andriamanitra mihitsy izao hariva izao tahaka Azy hatramin'izay. Izy no tsy miova omaly, anio, ary mandrakizay. Tsy miova Izy.

⁶¹ Ary Fantany hoe izy dia nahafantatra fa izany no tao Aminy. Diniho, tao anatin'ny minitra vitsy fotsiny izany dia noroporofoin'ilay izy, rehefa nilaza zavatra Taminy izy mikasika ny anadahiny, ka hoy izy hoe, “Tompo, izaho—izaho mino fa Ianao no izy.”

⁶² Dia hoy Izy hoe, “Izaho no Fananganana sy Fiainana. Na dia maty aza izy, dia mbola ho velona. Ary izay rehetra velona ka mino Ahy dia tsy ho faty mandrakizay. IZAHO IZAY IZY.” Io ilay IZAHO IZAY IZY izay tao amin'ilay roimemy nirehitra, niaraka tamin'i Mosesy. “Izaho no Fananganana. Izaho no Fiainana. Izaho ilay rindrina. Mbola Izaho no Izy. Izaho no Fananganana sy Fiainana. Izay mino Ahy, na dia maty aza izy, dia mbola ho velona. Izay rehetra velona ka mino Ahy, dia tsy ho faty mandrakizay.” Taorian'izany toky izay azony izany, hoe Izy no Teny nampanantenaina; rehefa nilaza Izy, amin'ny maham-paminany iray, dia tsy afaka mandainga Izy; noho izany Izy, rehefa hoy Izy hoe, “Izaho no IZAHO IZAY IZY. Izaho no Izy izay Fananganana sy Fiainana.”

⁶³ Hoy izy hoe, “Mino aho fa Ianao ilay Anankiray, ilay Zanak'Andriamanitra izay ho tonga eto amin'izao tontolo izao. Na dia maty aza ny anadahiko, mandry ao am-pasana ao, izy dia... mihalevona ny vatany ankehitriny; saingy na dia izao ankehitriny izao aza, na inona na inona Lazainao, dia hiseho izany.” Marina!

⁶⁴ Ny nilainy fotsiny dia ny handre Azy hiteny an'ilay izy! Amena. Oh, Marta, aiza isika izao hariva izao? “Teneno fotsiny ny Teny; dia ho velona ny mpanompoko!” Mandre Azy fotsiny miteny an'ilay izy! Mety efa tonga izy ireo nilaza taminy fa niteny an'izany Izy, saingy indro Izy eo Izy tenany. O Andriamanitra, sokafy ny maso jamba, mba hahatonga azy ireo ho afaka hahita!

Rehefa Izy, ao amin'Ny Fanatrehany, no miteny ny Teny, dia voaseho foana izany.

⁶⁵ Hoy izy hoe, “Na inona na inona Angatahanao amin'Andriamanitra, dia homen'Andriamanitra Anao izany. Avelao fotsiny aho handre!” Tiani hiteny ny Teny Izy. Izay ihany no tiany ho renesina. Mahazo fotsiny ny Teny, izay ihany no nilainy, dia ny handre Azy miteny fa Hataony izany.

⁶⁶ Ary ho Nataony avy hatrany ilay izy tamin'izay fotoana izay, saingy, hitanareo, tamin'ny alàlan'ny fahitana izay nasehon'ny Ray Taminy, dia tsy maintsy nitsangana teo akaikin'ilay fasana Izy. Oh, oadray! Hazony ny finoanareo! Miasa tsara amin'ny zavatra rehetra Andriamanitra. Ho tena tsara izany. Miandry fotsiny mandra-pahatongany eo amin'ilay fasana.

⁶⁷ Mariho, afaka nanao Azy hiteny an'ilay izy fotsiny izy, na dia izy fony mbola... Lasa ny fanantenana rehetra, ny zavatra rehetra. Maty izy, miha-lò tao anatin'ilay fasana, saingy ny mandre Azy fotsiny miteny an'ilay izy, dia izay ihany no nilainy.

⁶⁸ Ankehitriny rehefa hoy Izy hoe, “Izaho no Fananganana sy Fiainana,” dia nino an’izany izy. Nino an’izany izy. Ankehitriny mariho, ankehitriny tsy maintsy nino ho an’ireo tsy azo atao izy, rehefa nandre Azy nanao hoe, “Izaho no Fananganana sy Fiainana. Na dia maty aza izy, dia mbola ho velona, ary izay rehetra velona ka mino Ahy dia tsy ho faty mandrakizay.” Hoy Izy, “Mino an’izany ve ianao?”

⁶⁹ Dia hoy izy hoe, “Eny, Tompo, mino an’izany aho. Mino aho fa Ianao no Zanak'Andriamanitra izay ho tonga eto amin’izao tontolo izao.” Tiako izany. Tiako izany.

⁷⁰ Efa nolazaiko izany teo aloha. Tokony hijoro indray izany ankehitriny. Niresaka tamin'ny vehivavy iray aho vao tsy ela akory izay, izany dia fiangonana iray izay notononiko vao teo, izay tsy mino fa Andriamanitra Izy, Maha-Andriamanitra Azy; mpaminany iray fotsiny Izy, lehilahy tsotra iray.

⁷¹ Izany Izy, marina tokoa. Izany Izy, miampy an'Andriamanitra. Hitanareo, Izy no fanehoana. Jesosy no vatana, ilay Tovolahy, ilay Lehilahy; Andriamanitra no nitoetra tao Amisy. Tao Amisy Andriamanitra. Izy no Andriamanitra olona. Lehilahy iray Izy, kanefa Andriamanitra voaseho tao amin'ny nofo Izy. Rehefa mahita an'i Jesosy isika, dia mahita an'Andriamanitra. Izany no Nilazany hoe, “Rehefa mahita ny Ray ianareo, mahita Ahy, dia mahita ny Ray ianareo.” Satria, Izy no fitarafana, satria Izy no Teny, amena, izay tany amin'ny fiandohana. Amena.

⁷² Niantso an'ireo mpaminany Izy hoe, “andriamanitra.” Fantatrareo ve izany? Hoy Izy hoe, “Ianareo dia miantso azy ireny hoe ‘andriamanitra’ izay nahatongavan’ny

Tenin'Andriamanitra. Ahoana no hahafahanareo manameloka Ahy rehefa nilaza Aho hoe, 'Izaho no Zanak'Andriamanitra'?"

⁷³ Satria, ilay Teny iray ihany no nilaza fa ho eo Izy, ary io ilay Teny tonga voaseho indray. Fa mbola tsy nino an'izany foana izy ireo.

⁷⁴ Niteny tamiko ity vehivavy ity hoe, "Afaka manaporofo aminao aho." Hoy izy, "Tiako ny mandre anao mitory teny, saingy misy zavatra anankiray izay ataonao betsaka loatra."

"Eny, inona izany?"

Hoy izy, "Mandoka betsaka loatra an'i Jesosy ianao."

⁷⁵ Hoy aho hoe, "Manantena aho fa izay ihany no Hanoherany ahy rehefa tonga Izy." Ary hoy izy . . . Hoy aho hoe, "Manantena aho fa izay ihany no Azony, fahadisoana Azony jerena ao amiko." Hoy aho hoe, "Raha nanana fiteny iray alina aho, dia tsy afaka niteny betsaka aho, oh, oadray, hoe inona Izy!"

Hoy izy hoe, "Saingy, ianao, ianao manao Azy ho Andriamanitra."

⁷⁶ Hoy aho, "Izany Izy. Na, raha tsy izany Izy, dia Izy no mpamitaka lehibe indrindra izay hany nananan'izao tontolo izao."

Hoy izy hoe, "Mpaminany iray Izy."

⁷⁷ Hoy aho hoe, "Mpaminany iray Izy, marina izany: Andriamanitra-mpaminany iray, ilay fahafenoan'ny Teny. Ny mpaminany dia nanana fotsiny ny Teny tonga teo aminy, izany no manao azy-nanao azy ho mpaminany iray. Fa Izy kosa no fahafenoan'io Teny io."

⁷⁸ Dia hoy izy hoe, "Afaka manaporofo aminao aho." Hoy izy, "Ianao manao Azy ho avy amin'Andriamanitra."

Hoy aho hoe, "Avy tamin'Andriamanitra Izy."

Dia hoy izy hoe, "Tsy mety ho avy amin'Andriamanitra Izy."

Hoy aho hoe, "Saingy izany Izy."

Hoy izy hoe, "Ianao dia nilaza fa mino ny Baiboly."

Hoy aho hoe, "Mino aho."

⁷⁹ Hoy izy hoe, "Ho porofoiko aminao, amin'ny alàlan'ny Baibolinao manokana, fa tsy avy tamin'Andriamanitra Izy."

⁸⁰ Hoy aho hoe, "Ataovy izany. Raha ny Baiboly no miteny an'izany, amin'izay fotoana izay dia hino an'izany aho, satria mino aho fa marina ny Teny."

⁸¹ Hoy izy hoe, "Teny amin'ilay lalana nankeny amin'ny fasan'i Lazarosy, tsaroanao ve izany ao amin'ny Masindahy Jaona 11?"

Hoy aho hoe, "Tsaroako tokoa, madama."

⁸² Hoy izy, "Eny, ankehitriny, teny amin'ilay lalana, dia nitomany Izy. Hoy ny Baiboly hoe, 'Nitomany Izy.'"

Hoy aho hoe, “Izany tokoa, nilaza ny Baiboly fa nitomany Izzy.”

Hoy izy, “Ahoana no haha-avy amin’Andriamanitra Azy nef a mitomany?”

Hoy aho hoe, “Olombelona Izzy.”

“Olombelona sady avy amin’Andriamanitra?”

⁸³ Hoy aho hoe, “Eny, ramatoa. Diso amin’ny fahitana ianao. Izzy dia—dia olona iray nandeha teo, nitomany niaraka tamin’ireo izay nitomany, marina izany, nalahelo niaraka tamin’ireo izay nalahelo. Olona iray Izzy. Fa rehefa Izzy no nampahitsy ny Vatany kely, malemy, ka nanao hoe, ‘Lazarosy, mivoaha,’ dia lehilahy iray efa maty efatra andro, no nitsangana tamin’ny tongony. Nila mihoatra noho ny olona iray izany, Andriamanitra tao amin’ilay Olona izany.” Iza no afaka manangana ny maty, afa-tsy Andriamanitra? Izzy no Fananganana sy Fiainana! Marina izany.

⁸⁴ Ilay hariva teny ambonin’ny ranomasina, rehefa tany Izzy, reraka, nandry taorian’ilay sambo, izay nianianan’ny devoly iray alina fa halentiny Izzy tamin’io hariva io, ka niatontantonta tahaka ny bosoan-tavoahangy ilay sambo kely tranainy teo ambonin’ny ranomasina nisy tafio-drivotra. Nieritreritra ireo devoly ireo hoe, “Azontsika Izzy ankehitriny. Matory Izzy; halentitsika ilay andiany manontolo.” Oh, Olona iray Izzy, reraka, saingy vantany vao nofohazina, dia nametraka ny Tongony teo ambonin’ilay lohan-tsambo Izzy, ary niandrandra ka nanao hoe, “Milamina, mipetraha tsara,” ary nankatô Azy ireo rivotra sy ireo onja. Mihoatra noho ny olona iray izany.

⁸⁵ Olona iray Izzy rehefa noana Izzy. Nidina avy teny antendrombohitra Izzy, nitady tapa-mofo iray na zavatra ho hanina, na aviavy teo amin’ny hazo iray. Saingy rehefa Nalainy ireo bisky dimy sy trondro roa, ary nahavoky dimy arivo, izany no Andriamanitra tao amin’io Olona io. Marina izany.

⁸⁶ Oh, ny olona rehetra izay nisaina ho tsy misy vidiny no nino an’izany, ny poetry rehetra izay nino an’izany. Tsy mahagaga raha nanoratra ny anankiray hoe:

Velona nitia ahy Izzy; ary maty, namonjy ahy Izzy;
Nalevina, nitondra ny otako lavitra Izzy;
Nitsangana, nanamarina maimaim-poana
mandrakizay Izzy;
Indray andro any dia ho avy Izzy, O andro be
voninahitra!

⁸⁷ Eddie Perronet, rehefa tsy namidy ireo hirany. Indray andro, nivembena teo ambanin’ny fiantraikan’ny Fanahy Masina, nandramby penina iray, nanoratra an’ilay hira fanokanana izy, rehefa nanoratra hoe:

Arahabao ny herin'ny Anaran'i Jesosy!
 Aoka hiankohoka ireo Anjely;
 Avohay ilay diademan'ny mpanjaka,
 Salory ho Tompon'ny rehetra Izy! (Haleloia!)

⁸⁸ Izany tokoa, izany no inoantsika fa naха-изы Azy. Eny, tompoko.

⁸⁹ Tsy maintsy mino an'ireo tsy azo atao izy ankehitriny, ho an'ilay fihevitra moderin'io andro io. Toy izany koa no tsy maintsy inoanareo an'ireo tsy azo atao, mba hahita Fiainana vaovao, mba hahita zavatra hitranga. Fa raha nahalala Izy . . . Izy dia nahalala Azy ho ny Teny, noho izany dia afaka miseho ireo tsy azo atao, satria Izy no mpamorona, ary hanohana ny zavatra rehetra izay Nolazainy.

⁹⁰ “Ary ny zavatra rehetra dia azo atao ho an'ireo izay mety mino.” Ny Teniny izany. Fa tonga voaseho ireo tsy azo atao rehefa raisina amin’Ny Teniny Andriamanitra. Eny, tompoko. Rehefa raisina amin’Ny Teniny Andriamanitra, ireo tsy azo atao dia—dia tonga voaseho. Rehefa milaza Andriamanitra fa hisy izany, amin’izay fotoana izay dia raiso izany Teny izany ary diniho hoe inona, mitranga ireo tsy azo atao. Hitranga tokoa izany.

⁹¹ Fa mariho, na dia tao amin’io rehetra io aza, hoy izy hoe, “Na dia ankehitriny izao aza, Tompo, na inona na inona Angatahanao amin’Andriamanitra, dia hataon’Andriamanitra izany.” Fantany fa afaka mahazo an'ilay Teny hivoaka avy ao Aminy izy. Izay ihany no nilainy hatao, dia ny mahazo an'ilay Teny. Eny, izany no orany maizina indrindra, ary tonga Jesosy ka niantso. Oh, zavatra toy ny inona no hitan’izy ireo, ny fitsangananana!

Ndao isika mbola hijery sasantsasany izay nahatongavan’ireo ora maizina.

⁹² Nisy lehilahy iray indray andro, nantsoina hoe Joba, anankiray amin’ireo mpaminany tranaindy indrindra ao amin’ny Baiboly. Lehilahy malaza iray izy. Izy dia—izy dia tia ny Tompo, ary nanao izay rehetra fantany hoe ahoana no hatao. Ary naniry ny hanivana azy i Satana, noho izany dia niteny tamin’Andriamanitra izy indray andro . . . Hia, niteny taminy Andriamanitra, raha ny marina hoe, “Avy taiza ianao, ry Satana?”

⁹³ Hoy izy hoe, “Oh, nandeha nivezivezy sy niakatra-sy-nidina teny amin’ny tany.”

⁹⁴ Hoy Izy hoe, “Efa nandinika an’i Joba Mpanompoko ve ianao? Tsy misy tahaka azy eny amin’ny tany. Lehilahy tanteraka iray izy.”

⁹⁵ “Oh,” hoy izy, “azo antoka, nanome azy ny zavatra rehetra Ianao, manao ny zavatra rehetra ho azy. Izany tokoa, lehilahy malaza iray izy. Fa avelao aho hahazo azy indray

mandeha, hovaiko ilay feon-kira. Hataoko hanozona Anao izy, eo Anatrehanaao."

⁹⁶ Hoy Izy hoe, "Tsy afaka manao an'izany ianao." Izany no Fahatokiany ao amin'ny mpino iray. Nahoana? Tsy manam-petra Izy. Mandrakizay Izy. Mahafantatra ny farany hatrany amin'ny voalohany Izy. Fantany fa tsy afaka manao an'izany i Satana. Satria, Izy no Teny, Fantany izay hataon'i Joba.

⁹⁷ Ankehitriny, tsarovy, Joba, nopo tehany tamin'ny vay izy, novonoiny ireo zanany, naka ny zavatra rehetra izay nananany. Lasa ny fahasalamany. Tonga ireo mpampionona azy, ary tsy afaka nanao na inona na inona afa-tsy ny niampanga azy ho mpanota mifaina iray fotsiny izy ireo. Ary tonga teo amin'ny toerana iray tahaka an'izany i Joba antitra hany ka tena ory loatra izy.

⁹⁸ Tsy maintsy miditra ao anatin'ny fahoriania ianareo, aloha. Tsy maintsy tonga eo amin'ny fotoana iray izay misy anareo eo amin'ny faran'ny lèlana ianareo.

⁹⁹ Niditra teo amin'ny faran'ny lèlana i Joba, rehefa hoy izy hoe, "Ho voaozona anie ilay andro izay nahaterahako. Enga anie tsy hamiratra akory aza ny masoandro, ary enga anie tsy hamiratra ny volana amin'ny alina, enga anie tsy antsoina intsony ilay anarana." Ary tao anatin'io fahoriania io, tamin'izay no tonga Jesosy. Nijery izy, ary hoy izy hoe, "Hitako ny olona. Maty ny voninkazo, nefo mitsangana indray izy amin'ny lohataona. Raha mihintsana ny hazo, dia mitsiry indray izy amin'ny alalan'ny fofon-drano." Hitany ny fiainan'ny zava-maniry rehetra fa velona indray, fa hoy izy, "Mandry ny olona, manolotra ny fanahy izy, aiza izy?" Fantany fa lehilahy antitra iray izy. Hoy izy hoe, "Tonga ireo zanany mba hisaona azy, nefo tsy hitany izany. Oh, enga anie Ianao hanafina ahy ao am-pasana sy hitahiry ahy ao amin'ny toerana mifaina, mandra-pandalon'ny Fahatezeranao. Anendreto fotoana iray aho ary ametraho fotoana iray. Isika dia nandeha..." Dia nanohy tahaka an'izany, niresaka. Teo amin'ny farany izy, tamin'ny fahoriany, "Inona no nitranga? Velona ireo ravina, miverina eo amin'ilay hazo, miverina indray ireo voninkazo, mitsiry ny zavatra rehetra, saingy mandry ny olona ary manolotra ny fanahy!" Tao anatin'ny fahoriania izy. Tsy fantany hoe inona no mety hitranga aminy, ary tao amin'io taona io izy.

¹⁰⁰ Rehefa tao izy, dia tonga Jesosy tamin'izay. Nampitodika ny lohany nankany amin'ny lanitra Andriamanitra, ka nahita an'i Jesosy tonga tamin'ny andro farany izy.

¹⁰¹ Ilay oran'ny aizinaindrindra rehefa hoy ny vadiny hoe, "Ozony Andriamanitra dia aoka ho faty amin'ny fahafatesana," kanefa hoy izy hoe, "Ravehivavy, miteny tahaka ny vehivavy adala ianao. Ny Tompo no nanome, ary ny Tompo no naka, isaorana anie ny Anaran'ny Tompo." Na ny vadiny aza dia

nihodina taminy. Nihodina taminy ny fiangonany. Nihodina taminy ny olona rehetra.

¹⁰² Tao amin'ilay ora maizina, izay tsy nahafantarany hoe ho aiza izy avy eo, no tonga Jesosy. Nikiakiaka izy tamin'izay fotoana izay hoe, "Fantatro fa velona ny Mpanavotro, ka hitsangana eto ambonin'ny tany Izy amin'ny andro farany. Ary na rehefa levonin'ireo kankan'ny hoditra aza ity vatana ity, dia mbola hahita an'Andriamanitra ao amin'ny nofoko aho, Izay ho hitako amin'ny tenako." Tao amin'ny orany maizina indrindra, tamin'izay no tonga Jesosy. Eny, tompoko.

¹⁰³ Mosesy, ho an'i Mosesy, tonga ho azy ilay ora maizina indrindra tao Israely. Teo amin'ilay laharan'andraikitra mihitsy izy; nihaona tamin'Andriamanitra tany tao amin'ny roimemy iray, ka nanao hoe, "IZAHO NO IZAHO IZAY IZY." Nandeha izy ary niady tamin'ny karazana fakan-tahaka rehetra an'i Jana sy Jambra, niezaka ny haka tahaka ny asany. Izany rehetra izany, dia nijoro marina tamin'Andriamanitra izy. Farany dia nahazo an'i Israely mba hino izy. Ary indro izy nivoaka avy tao Egypta, miakatra ho any amin'ilay—ilay tany nampanantenaina, izay nilazan'Andriamanitra hoe, "Hanompo Ahy eo amin'ity tendrombohitra ity ianao." Izany no Tenin'Andriamanitra. Fantatr'i Mosesy fa tsy maintsy nandeha tany amin'io tendrombohitra io izy. Amena. Andriamanitra no niteny an'izany! Tsy nisy Farao afaka namono azy. Tsy nisy devoly afaka namono azy. Tsy nisy na inona na inona afaka namono azy. Ho tonga eo amin'io tendrombohitra io izy. Amena! Haleloia! Mahatsapa ho mpivavaka aho. Handeha eo amin'io tendrombohitra io izy.

¹⁰⁴ Noho izany dia eo amin'ny lâlantsika ho any amin'ny Voninahitra isika! Tsy misy na inona na inona hampijanona antsika. Tsia, tompoko. Hanamarina Ny Teniny Andriamanitra. Tsy ahoako izay miseho, hanao an'izany Izy, na ahoana na ahoana.

¹⁰⁵ Eo amin'ny lâlany izy, ao amin'ilay lâlan'andraikitra. Indro izy, tery teo anelanelan'ireo tendrombohitra. Mihaino sy mandre horakoraka iray izy taoriany. Inona izany? Ireo kalesin'i Farao, amin'arivony, tonga; misy fitaovalam-piadiana, ary ireo lefona sy ny sisa, mba hanosihosy azy ireo sy hanitsakitsaka azy ireo. Teo ilay Ranomasina Mena, nanao azy ho voasakana. Inona no nataony? Izy dia tafiditra tao anatin'ny fa-... Tafiditra tao anatin'ny fahoriany izy. Nikiakiaka daholo ny olona, "Oh, eto isika ho an'izany ankehitriny. Hamono antsika i Farao, handany antsika ireo sabany. Ho faty eto amin'ny an-efitra ireo zazakelintsika."

Niantsoantso i Mosesy hoe, "O Andriamanitra!"

¹⁰⁶ Ary tamin'izay dia niditra an-tsehatra Jesosy. Izy ilay Andry Afo. Marina izany. Nidina Izy ary nihantona teo anelanelany

sy ilay loza Izy. Amena. Izy no Mpandeha anelanelantsika. Izy ilay Mpijoro eo anelanelany, amena, Mpanelanelana iray. Nijoro teo Izy, nitsangana teo; aizina ho an'ireo Egyptiana, ireo izay tonga mba hiezaka hanao zavatra mikasika an'izany. Hazavana ho azy ireo Izy, mba handehanana. Avy eo tamin'ny maraina rehefa nanomboka nitsoka tena mafy ny rivotra, tamin'io alina io, inona no Nataony tamin'izay? Tonga tamin'ny endrika Andry Afo Izy.

¹⁰⁷ Tsarovy, mbola Izy foana io Andry Afo io. Eny, tompoko. Rehefa teto an-tany Izy, dia hoy Izy hoe, “Avy tamin’Andriamanitra Aho, ary handeha ho any amin’Andriamanitra Aho.”

¹⁰⁸ Ary taorian’ny Fahafatesany, fandevenany, fitsanganany, ary fiakarany; Masindahy Paoly, teo amin’ny lèlany ho any Damaskosy, dia nokapohan’io Andry Afo io izy. Tsarovy, Hebreo iray izy. Tsy ho niteny an’izany izy . . . Hoy izy hoe, “Tompo, Iza moa Ianao?” Sora-baventy T-o-m-p-o, Elohim. “Iza moa Ianao izay enjehiko?”

Hoy Izy hoe, “Izaho no Jesosy.”

¹⁰⁹ Amena! Haleloia! Izy no Voalohany sy ny Farany. Izy no zavatra rehetra. “Vetivety foana dia tsy hahita Ahy intsony izao tontolo izao, kanefa ianareo dia hahita Ahy. Homba anareo Aho, ho ao aminareo mihitsy aza.” Ilay Andry Afo iray ihany, ilay Andriamanitra iray ihany izay manao an'ilay zavatra iray ihany, miaraka amin'ilay teny fikasana iray ihany, amena, manao Ny Teniny ho voaseho. “Izaho no Fananganana sy Fiainana. Izaho no Izy izay efa Nisy, Izy izay Misy, ary Izy izay Ho avy.” Eny, tompoko. Hia.

“Ny rainay nihinana ny mana tany an-efitra.”

¹¹⁰ Hoy Izy hoe, “Izy ireo dia, ny tsirairay avy, maty. Fa, IZAHO NO IZAHO IZAY IZY.” Mosesy . . . Tao amin'ilay roimemy nirehitra, izany ilay IZAHO IZAY IZY. Izy dia mbola ilay IZAHO IZAY IZY foana, tsy hoe Izaho efa nisy; IZAHO IZAY IZY, fotoana ankehitriny, hatrany.

¹¹¹ Hitantsika eto fa nihemotra teny amin’io zorony io i Mosesy, ary nidina ilay Kristy. Ankehitriny, ary ny Baiboly no nilaza an’izany, hoe, “Mosesy dia nanao ny—ny latsan’i Kristy ho harena lehibe lavitra noho ny zava-tsoan’i Egypta.” Ny latsan’i Kristy! Kristy no ilay hosotra, ilay Logos izay nivoaka avy tamin’Andriamanitra. Ilay Anjely, ny mpamaky Baiboly rehetra dia mahafantatra fa Kristy io Anjely io. Ary tany amin'ilay an-efitra Izy, ary niditra an-tsehatra Izy, tamin'ny endrika izay natao Hisohoany. Voninahitra ho an'Andriamanitra!

¹¹² Tonga ao amin'ilay endrika Izy amin'izao andro izao, ilay Kristy iray ihany, maneho Azy.

¹¹³ Nolazainy tamin'izy ireo fa Izy no hamoaka azy ireo. Nanao an'izany Izy. Tonga teo Izy mba hanohana Ny Teniny, mba hanamarina an'Izany. Avy eo rehefa avy nidina Izy, tahaka ny Nataony tamin'i Marta, dia niantso Izy avy eo. Hoy Izy hoe, "Ry Mosesy, nahoana ianao no mitaraina Amiko? Mitenena amin'io vahoaka io, mba handrosoanareo." Io ora maizina io, nisokatra ilay Ranomasina Mena ary niampita izy ireo, teo amin'ny dian'izy ireo mba hanatanteraka ny Tenin'Andriamanitra. Eny, tamin'ny ora maizina indrindra an'i Mosesy, tamin'izay no tonga Jesosy. Manana fotoana isika ankehitriny... Dia niantso an'i Mosesy Izy.

¹¹⁴ Te-hitarika ny fifantohanareo ho amin'ny lehilahy kely hafa iray isika. Ny anarany dia Jairo. Misy maro amin'izy ireo eto amin'izao tontolo izao amin'izao andro izao. Mpino mafina iray izy. Tia an'i Jesosy izy. Efa nandre ny momba Azy izy. Nino Azy izy. Saingy, hitanareo, efa nampikambana ny tenany tamin'ny rafi-pandaminana iray izy. Hia. Izy—izy—izy fotsiny... Tsy afaka nivoaka izy ka niaiky an'izany. Nino an'izany izy, saingy tsy afaka niaiky an'izany izy, noho izany dia nikambana tamin'ireo tsy mpino izy. Fa tena nino an'izany tokoa izy.

¹¹⁵ Fantatrareo, rehefa tafiditra ao amin'io toe-javatra io ny olona iray, dia Andriamanitra no mitondra Azy indraindray ho amin'ny fampisehoan-kery. Izany dia ao amin'ny fahoriania rehefa mampiseho marina ny lokontsika isika, hoe inona marina isika.

¹¹⁶ Noho izany dia teo izy, efa nikambana tamin'ireo tsy mpino izy, ary nandeha tany izy ka nametraka ny anarany teo amin'ilay boky, sy ny sisa. Ary mpisorona iray izy, ka noho izany izy—izy dia saiky tsy afaka mihitsy ny hanao fiaikena iray, satria izany no tapakilan-tsakafony. Noho izany, saingy mbola nino an'i Jesosy foana izy.

¹¹⁷ Indray andro, narary ilay zazavavy keliny. Oh, oadray. Izy, tsy isalasalana fa ilay lehilahy dia efa naka, tahaka an'izany, efa niantso an'ilay dokotera. Tonga ilay mpitsabo, nikarakara an'ilay ankizy. Niha-ratsy sy niha-ratsy ilay tazo. Afaka kelikely dia tena nahamay izy, sy ny sisa, farany dia tonga teo amin'ny faritry ny fahafatesana izy. Tao anatin'ny fahoriania izy. Tsy maintsy nanao zavatra izy. Izy, tsy fantany mihitsy izay hatao. Ankehitriny dia nieritreritra izy hoe, "Raha mba afaka mahita Azy fotsiny mantsy aho, na aiza na aiza misy Azy." Ankehitriny tsy niandry mandra-pahatongan'ny andro alina mihitsy izy, tahaka ny nataon'i Nikodemosy, mba hahazo fihaonana manokana. Ho an'ny fihetsehana ny fotoana, tonga ho an'ny fihetsehana ilay fotoana ka tsy maintsy mihetsika izy noho izany.

¹¹⁸ Ary heveriko, rahalahy, ranabavy, fa mitovy amin'izany ankehitriny. Tonga ho an'ny fihetsehana ilay fotoana. Tonga ilay fotoana mba hinoana na tsy hinoana. Tonga eo amin'ny lehilahy sy vehivavy rehetra io tsipika mampisaraka io. Tonga eo amin'ny ankizy rehetra izany. Indraindray rehefa mandalo eo amin'io tsipika io ianareo, dia zavatra anankiray ihany sisà no tavela, ny fitsarana izany, rehefa mandalo eo anelanelan'ny famindrampo sy fitsarana ianareo, rehefa mandalo eo amin'io tsipika io ianareo.

¹¹⁹ Tsarovy, tao anatin'ny fahoriana izy. Tsy fantany izay hatao. Nijoro teo ireo mpisorony, nitsangana nanodidina azy ireo raby rehetra. Tao aminy ilay fiombonana, teo ny rehetra, nandinika an'ilay zazavavy keliny maty. Nitsangana tany ivelany ilay dokotera, niaraka tamin'ny tânany niforitra, nandray ny tânany, "Efa nomeko ny fanafody rehetra izay fantatro, nefà mbola . . ."

¹²⁰ Hitanareo, izany no Jesosy miasa hatrany. Jesosy no nanao an'io ho an'ny tanjona iray, mba hamoaka ny loko avy tao amin'io lehilahy kely io. Afaka kelikely, dia toa hitako izy nandeha naka ny satroka keliny mainty ka nametraka an'izany, nanao an'ilay akanjon'ny mpisorona keliny.

"Ho aiza ianao?"

¹²¹ "Nandre aho fa any amin'ilay renirano Izy. Hanenjika Azy aho!" Oh, oadray! Lasa izy nandeha!

¹²² Tao amin'io oran'ny fahoriana io, dia tsy maintsy nandray fanapahan-kevitra izy: hamela ny ankiziny ho faty, sa fantany fa fanehoana ny Teny izany. Mpisorona iray izy, ary efa namaky ny Teny izy, sady fantany fa izany no fanehoan'Andriamanitra. Tao amin'i Kristy Andriamanitra, mampihavana an'izao tontolo izao amin'ny Tenany. Fantany izany, nefà teren'ilay zava-misy izy. Tsy maintsy nanao fahadisoana iray izy, hamela an'ilay ankiziny ho faty, sa hanao ny fiaikeny. Rehefa tao anatin'io fahoriana io izy, dia saiky tamin'io fotoana io no tonga Jesosy. Nandeha mba hijery Azy izy. Hoy izy hoe, hoy izy hoe, "Hiaraka Aminao aho, na inona na inona Lazainao." Ary teny amin'ilay lâlana, dia indro tonga ny mpihazakazaka iray, teo ilay zavatra maizina. Nanao ny fiaikeny izy, hoe nino Azy. Izy no nanao ny tenany ho voaroaka tamin'izany, ary nametraka ny tenany teo imason'ny be sy ny maro avy eo, hoe izy dia mpino an'i Jesosy.

¹²³ Dia indro tonga ny mpihazakazaka iray, nanao hoe, "Aza manelingelina olona, satria efa maty ny ankizivavinao. Maty omaly izy. Efa maty izy. Aza, aza mandany andro amin'izany intsony."

¹²⁴ Ary, oh, toy ny niha-malemy ny fo keliny. Fa njery izy ary nahita an'ireo mason'i Jesosy, nanao hoe, "Tsy efa nilaza Taminao ve Aho? Aza matahotra, raha te-hahita ny voninahitr'Andriamanitra ianao. Inona no atahoranao? Efa Nolazaiko taminao fa handeha Aho."

¹²⁵ Efa nilaza Izy fa ho avy Izy. Efa nilaza Izy fa hanao an'izany Izy, ary indro Izy manao an'ilay izy. Amena. Nilaza Izy fa hiseho eo amin'ny sehatra Izy amin'ny andro farany ary hanao an'ireo zavatra tahaka ny Nataony, tahaka ny novakantsika omaly hariva sy noresahantsika. Indro Izy manao an'ilay izy. Inona no atahoranareo?

¹²⁶ Tsarovy, rehefa tonga Izy, dia niantso azy avy tao amin'ny maty Izy. Niditra an-tsehatra Izy ary niantso azy avy tao amin'ny maty.

Bartimeo jamba antitra, indray mandeha, dia nidona tamin'ny orany maizina indrindra.

¹²⁷ Tany Jesosy, nikarakara sakafo marainan'ny Full Gospel Business Men iray tany tao—tao Jeriko, ary nanana Zakaiosy Izy tany. Nihaona taminy teo amin'ny hazo iray Izy, teny amin'ilay lalambe. Noho izany Izy rehefa . . . Eny, tsy nikarakara zavatra hafa Izy, azoko antoka. Hitanareo? Noho izany rehefa tonga teo Izy tamin'izay, Izy—Izy dia nanana azy, nandeha niaraka Taminy i Zakaiosy.

¹²⁸ Bartimeo jamba antitra dia efa jamba hatramin'ny nahazalahy kely azy. Noho izany dia nihevitra izy fa mety hivoaka eo amin'ilay vavahady i Jesosy, ka niandry izy. Nandre tabataba betsaka izy afaka kelikely, ary nandalo ny olona rehetra.

¹²⁹ Ary henony ilay mpisorona nanao hoe, “Hey! Hey, Ianao, Ianao miakatra eo amin'ny havoana eo io! Efa—efa—efa . . . Mandre izahay fa manangana ny maty Ianao. Manana tokontanim-pasana manontolo feno azy ireny izahay eto. Raha Ianao no Mesia, raha Ianao no Mesia, miakara eto dia atsangano ireo maty ireo.”

¹³⁰ Fantatrareo, mbola velona foana ilay devoly iray ihany, hitanareo, ao amin'ny endrika fivavahana, ilay fomba mitovy. Hitanareo?

¹³¹ “Raha Ianao no Mesia, izahay . . . Manangana ny maty Ianao; manana tokontanim-pasana feno azy ireny izahay eto. Avia.” Ary, oh, nikiakiaka ny olona rehetra. Ny anankiray niantsoantso hoe, “Hosana ho an'ilay Mpaminany!” Ny anankiray hafa niantsoantso an’ity, itsy, na ny *hafa*. Tena fifanjevoana iray!

¹³² Nieritreritra ity lehilahy jamba antitra ity hoe, “Oh, diso Azy aho. Nivoaka teo Izy, ary nihevitra aho fa ho tonga teto Izy. Napetraka teo amin'ny toerana ratsy aho.” Dia tsy maintsy niantsoantso izy. Nieritreritra izy hoe, “Raha Izy no Teny, dia Andriamanitra Izy; tsy maintsy ho izany Izy.” Noho izany, “O Jesosy, Ianao ry Zanak'i Davida, mamindrà fo amiko!” Tao amin’io oran’ny fahoriana io, niantso izy.

¹³³ Ankehitriny Jesosy, raha ho tsipihanareo izany eto, dia tany Jeriko. Teo amin’izay nolazain’izy ireo fa nipetrahany, dia tany amin'ny dimampolo amby zato yards avy teo amin’izay nisy

an'i Jesosy izy. Niaraka tamin'ireo vahoaka an'arivony nirohotra nanodidina Azy, dia tsy afaka nandre ny antsoantson'io lehilahy io Izy. Tsia. Saingy Tsapany ilay izy. Nijanona Izy.

¹³⁴ Tiako ny hitory, amin'ny anankiray amin'ireo hariva ireo: "Ary avy eo dia nijanona Jesosy." Oh! "Ary avy eo dia niondrika Jesosy." Oh!

¹³⁵ Fa rehefa nijanona Jesosy, dia inona izany? Niantso azy Izy. "Tonga ny Mpampianatra. Aza sasatra," hoy ireo mpianatra, "Miantso anao Izy. Hiantso anao Izy." Niantso azy avy tao amin'ilay vahoaka be.

Manao an'ilay zavatra mitovy Izy ankehitriny. Tsy milentika ve izany? Hitanareo?

¹³⁶ "Tonga ny Mpampianatra ka miantso anao." Ary Izy dia miantso avy ao amin'ny—avy ao amin'ny fahajambana ho amin'ny hazavana, avy ao amin'ny aizina ho amin'ny hazavana. Ary niantso azy Izy, niala tao amin'ny fahafatesana ho amin'ny Fiainana. "Tonga ny Mpampianatra ka miantso anao Izy." Ary rehefa niantso azy Izy, dia namerina ny fahitany indray Izy.

¹³⁷ Ilay vehivavy kely niaraka tamin'ny fitsiha-drà, indray mandeha, teo amin'ilay havoana, dia efa nandany ny volany rehetra, tamin'ireo dokotera. Tsy isalasalana fa izy dia efa nivarotra an'ilay—ilay biby miasa. Izy ireo dia efa nivarotra an'ilay—ilay toeram-piompiana, nanao antoka an'izany. Efa nandany an'izay rehetra azony nolaniana izy ireo tamin'ireo mpitsaboo, tsy nisy nahasoa azy na dia ny iray tamin'izy ireo aza. Niha-ratsy sy niha-ratsy tsy an-kitsahatra izy. Tsy nijanona ilay rà. Tsy an-kitsahatra, nitohy ary nitohy izany, niha-lalina sy niha-lalina izy.

¹³⁸ Ary indray andro, raha nipetraka teo nanamboatra akanjo ba, teo amin'ilay havoana avy teo amin'izay nipetrahany, dia njery tany amin'ny lohasaha izy, ary nahita sambo iray tonga izy. Nanomboka nihazakazaka ny olona rehetra, "Hosana ho an'ilay Mpaminany!"

¹³⁹ Efa nandre ny Aminy izy. Ny finoana dia tonga amin'ny alàlan'ny fandrenesana. Ankehitriny dia hoy izy hoe, "Hidina aho ary hijery Azy."

¹⁴⁰ Ary rehefa nandeha nidina teo izy, ary voalohany no nananany fahitana an'ilay Tenin'Andriamanitra voaseho tao amin'ny nofo, nisy zavatra mikasika ny Firesany sy ny Endriny, ka fantany fa Izy izany. Eny, tompoko. "Oh, raha mba mahasintona ny Fifantohany amin'ny fomba iray fotsiny mantsy aho, raha mba afaka mikasika Azy amin'ny fanao iray fotsiny mantsy aho!" Ary nitsofoka tao amin'ilay vahoaka be izy ary nokasihany ny Akanjony.

¹⁴¹ Ankehitriny tsarovy, tsy ny rantsan-tànanay no Tsapany. Tsia, tompoko, satria ny akanjo Palestiniana dia mihantona mivaha. Ary Izzy . . .

Avy eo dia hoy i Petera hoe, “Ny olona rehetra no nikasika Anao.”

¹⁴² Hoy Izzy hoe, “Saingy fikasihana iray hafa izany. Hitako fa miha-malemy Aho.”

¹⁴³ Tonga Jesosy. Lasa ny volany, ny zavatra rehetra dia lasa; saingy tao amin’io ora maizina io rehefa tsy nijanona ilay rà, ka tsy afaka nampijanona azy ireo dokotera, dia tonga Jesosy. Ary inona no Nataony? Nantsoiny izy. Nijery nanodidina mandra-Pahitany azy, ka hoy Izzy hoe, “Nanana fitsiha-drà ianao, fa nianona izany.”

¹⁴⁴ “Izy no tsy miová omaly, anio, ary mandrakizay.” “Tonga ny Mpampianatra ka miantso anao Izzy. Tonga Izzy ka niantso Izzy.” Niantso azy hiverina amin’ny fahasalamana Izzy.

¹⁴⁵ Ilay vehivavy kely teo amin’ny fantsakana, izay noresahintsika omaly hariva, lasa ny fanantenana rehetra. Angamba, angamba nandao azy ilay vadiny fahadimy, ary vao avy nandray an’ilay anankiray fahenina izy tamin’io hariva io, ary izy—izy dia tao anatin’ny fisalasalana kely mikasika azy. Ara-pitondran-tena, dia vita ny aminy. Te-ho tena ramatoa iray izy; izy, tsy isalasalana, efa namaky ny Baiboly izy.

¹⁴⁶ Ary nandeha teo izy, niakatra teo amin’ny iraika ambin’ny folo ora teo. Tsy afaka tonga aloha izy tamin’ny maraina rehefa tonga ireo vehivavy marina. Ary nampiakatra ny ranony teo amin’ny lohany izy ireo, sy ireo tavoara, ary niverina indray. Ary noho izany dia tsy afaka tonga izy, nifangaro tamin’izy ireo. Izzy ireo, izy ireo dia nanana fanavakavahana an’izany tamin’io andro io, tsy afaka miara-mifangaro ny tsara sy ny ratsy. Nijanona teo amin’ny toerany ilay ratsy fitondran-tena, noho izany dia tsy afaka tonga niaraka tamin’ny sisa tamin’izy ireo izy. Tsy hamela azy ho tonga izy ireo. Noho izany rehefa avy nahazo ny ranony ny olona rehetra ka niverina . . . Tonga ho an’ny Tsaratsara kokoa izy.

¹⁴⁷ Ary tamin’izay fotoana izay dia niakatra teo izy niaraka tamin’io siny teny an-dohany io, tsy isalasalana fa nandeha izy, nieritreritra hoe, “Ankehitriny, ilay lehilahy izay novadiako, izay notazoniko omaly hariva, dia misalasala ny aminy aho. Lehilahy iray izy, tena hafahafa ny fihetsiny. Izaho—izaho dia tsy mahafantatra ny aminy fotsiny. Tsy manana anjara aho. Noroahan’ny fiaraha-monina aho. Ary tsy afaka mandeha any amin’ireo fiangonana ireo aho, izy ireo tsy . . . Jereo fotsiny izy ireo! Tsy fantatro izay hatao. Ao anatin’ny fahoriana aho. Ary efa namaky ny Baiboly aho; azo antoka, indray andro any, dia hiditra an-tsehatra io Mpaminany io. Ankehitriny fantattro izy ireo dia nilaza fa tsy misy ny zavatra tahaka an’izany, ary,

'efa tena tany amin'ny zato taona tany angamba izany no tsy nisy, ary arivo taona no tsy nisy. Efa nanantena an'izany izahay nandritry ny arivo taona, nefo tsy mbola nitranga mihitsy izany, noho izany dia tsy hanantena an'izany izahay ankehitriny. Ny zavatra rehetra dia toy izany. Oh, tsia, manana fiangonana sy ny sisa izahay. Tsy mila na inona na inona tahaka an'izany izahay ankehitriny.' Noho izany dia nandeha teo izy, nieritreritra.

¹⁴⁸ Fantatrareo, rehefa mieritreritra Azy ianareo, dia amin'izay Izy no miseho aminareo. Tahaka ny nananantsika omaly hariva, rehefa teo amin'ny lèlany nankany Emaosy izy ireo.

¹⁴⁹ Rehefa nieritreritra an'ireo zavatra ireo izy, dia nandre Lehilahy iray izy nanao hoe, "Itondray ho sotroina Aho."

¹⁵⁰ Ahoana ny amin'izany? Tao amin'ny aizin'ny orany, rehefa lasa ireo toe-panahiny. Angamba ramatoa kely tsara tarehy iray, nihodinkodina teo an-dalambe mba hiaina an'izany. Indraindray ilay izy dia tsy fahadisoan'ilay zazavavy kely, ny fahadisoan'ireo raiamandreniny izany, ny mamela azy hivoaka tahaka an'izany. Dia teo izy, angamba nihantona teo ireo fiolikolehany kely; naetry izy, nandeha teo, sasatra, fa tsy nisy olona nanao na inona na inona taminy, ilay ankizy, ary mety ho tantara iray lehibe ny tao ambadik'izany.

¹⁵¹ Na ahoana na ahoana, zavatra anankiray no fantattro, efa namaky ny Baiboly izy, ary nino ny Baiboly izy. Ary nisy voa kely iray nandry tao am-pony, manao hoe, "Raha mba mitranga izany, dia izaho no hahafantatra an'izany." Voafidy mialoha ho an'izany izy.

¹⁵² Jereo ilay Jodasy antitra nitsangana teo ka nihetsika tahaka an'izay nataony. Mainty ny tao amin'ny fanambanin'ny fony. Namiratra teto tao amin'ny asany ilay Hazavana, saingy tao anatin'ny fony dia tsy nino an'Izany izy. Ary indro izy eto... Hitanareo, tsy afaka nidina teo amin'izany ilay Hazavana. Saingy indro izy eto, mino, nino an'Izany izy, saingy nohamainina ny fiaianany; rehefa nandona ilay Hazavana, dia namoaka an'ilay fahamaizinana Izany. Fa rehefa nandona eto ilay Hazavana, dia nanamaizina azy manontolo Izany. Izay ilay fahasamihafana.

¹⁵³ Hitanareo, teraka ho an'io tanjona io izy. Izy, nilaza izy, rehefa Nolazainy taminy hoe firey ny vady efa nananany, izy... Inona no nitranga? Lasa toy ny taitaitra tampoka izy. Tao anatin'ny fahoriania izy. Hoy izy hoe, "Tompoko, hitako fa mpaminany Ianao. Fantattro fa rehefa tonga ny Mesia, dia Izy no hanao an'ireo zavatra ireo."

¹⁵⁴ Avy eo dia niantso azy Izy. Avy eo dia niantso azy Izy. "Izaho no Izy, Izy izay miresaka aminao." Nahafantatra tamin'ny alalan'ny Tenin'Andriamanitra izy. Niantso azy avy tao amin'ny otany Izy, ho amin'ny Fiaianana. Ary ao anatin'ny Baiboly ny anarany, ary manana ny Fiaianana tsy mety maty izy androany.

¹⁵⁵ Afaka miantsso anareo tahaka an'izany Izy, satria Izy no tsy miova omaly, anio, ary mandrakizay. Ny . . .

¹⁵⁶ Hia, lasa ireo toe-panahiny, saingy mbola fantany foana fa nanana an'io famantarana io Izy. Fantany fa tsy maintsy ho ny Mesia izany. Avy eo rehefa hoy Jesosy hoe, "Izaho no Izy, Izaho no Izy," dia fantany fa izay ilay izy.

¹⁵⁷ Indray mandeha dia teo ambonin'ny sambo ireo mpianatra, lasa ny fanantenana rehetra. Ireo tafio-drivotra, nandeha tsy niaraka tamin'i Jesosy izy ireo, ary ireo tafio-drivotra dia tena—tena tahaka an'ilay tao an-tranon'i Lazarosy. Lasa ny fanantenana rehetra. Dibo-drano ilay sambo antitra kely. Dia nikiakiaka sy niantsoantso izy ireo, ka angamba nivavaka sy nanohy, ary nanjelanjelatratra ny tselatratra, ka feno rano ilay sambo, nihintsana ireo andrin-tsambo, tapaka ireo fivoy, ary nihazona anankiray hafa izy ireo, niantsoantso.

¹⁵⁸ Ary tao amin'io ora tena maizina indrindra io, tamin'izay fotoana izay dia tonga Jesosy nandeha. Fa toy ny aloka iray Izy ho azy ireo. Toy ny nampiahayah Izy, tahaka ny fanahy iray, ka niantsoantso tamin'ny tahotra izy ireo.

¹⁵⁹ Izany ilay olana amin'izao andro izao. Tonga amin'ilay oran'ny ora maizinareo Jesosy, nefä matahotra an'Izany ianareo. Tsy fantatrareo hoe inona Izany.

¹⁶⁰ Tsy fantatr'izy ireo hoe inona Izy. Hoy izy ireo hoe, "Oh, fanahy iray io!" Nikiakiaka izy ireo.

¹⁶¹ Ary niantso azy ireo Izy tamin'izay fotoana izay, nanao hoe, "Aza matahotra, Izaho ity." Tao amin'ilay oran'ny aizina indrindra, dia tonga Jesosy, ny Fanampian'izy ireo. Izany foana no fomba Ataony, tonga ao amin'ilay ora maizina indrindra. Amin'izay fotoana izay dia tonga Jesosy ka naneho ny Tenany, ary nanatona azy ireo.

Hoy Petera hoe, "Raha Ianao io, dia asaivo mandeha eo ambonin'ny rano aho."

Hoy Jesosy hoe, "Avia."

¹⁶² Mba fantatrareo moa, ry sakaiza? Ho avy tsy ho ela ho an'ireo ao amin'ny andro farany Izy. Ankehitriny, tsy hafahafa ve fa miditra ao anatin'io ora maizina io indray ny fiangonana?

¹⁶³ Hilaza zavatra iray aho eto. Tsy foto-pampianarana iray izany. Maminany fotsiny aho. Fantatrareo ve izay niseho? Ho tonga eo amin'ny toerana iray izany, tsy ho ela, mariho ny teniko, izay tsy maintsy hikambanan'ireo anaram-piangonana rehetra amin'ilay Fiombonambe Ekiomenika. Raha tsy izany izy ireo, dia tsy afaka hahazo ny fanohanana'ilay Fiombonambe. Noho izany, dia hisy fampitsaharana iray, ary tsy hisy olona afaka handeha any amin'ireto fiangonana ireto, na handeha any amin'ny fiangonana rehetra; raha tsy manana marika iray avy amin'ny fiangonanareo manokana ianareo, dia tsy afaka hividy

na hivarotra. Hitanareo fotsiny tahaka ny naха-изы азы изаны, noho izany dia hisy indray izany, mariky ny bibidia iray. Ary ilay fiangonana, fantatr'izy ireo izany, ireo olona ara-panahy.

¹⁶⁴ Ary ianareo vahoaka Pentekotista, na ahoana na ahoana, dia mahalala an'izany. Efa nanomboka nahatsapa an'izany ianareo. Rehefa ireo fiangonanareo, maro amin'ireo rafi-pandaminan'ny Pentekotista; ary tsy mila manonona ny anaranareo aho, saingy fantatrareo izao ankehitriny izao fa izy ireo, izy ireo dia miditra ao anatin'izany. Efa nijoro vavolombelona izy ireo fa nuditra izy ireo. Ary rehefa manao an'izany ianareo, dia inona no tsy maintsy hataonareo? Tsy maintsy hahavery ny fampianaranareo Evanjelistika ny amin'ny batisan'ny Fanahy Masina ianareo. Tsy maintsy hahavery ny foto-pampianaranareo ny amin'ny Baiboly ianareo.

¹⁶⁵ Ary tsy hanohana an'izany ireo mambra. Ireo tena Kristiana nateraka indray dia ho faty, aloha. Ampitandrem'an'ny Teny izy ireo. Fantatr'izy ireo fa ho tonga io zavatra io. Eny, tompoko.

¹⁶⁶ Ary tsy hafahafa ve izany? Fa ao amin'ity ora maizina indrindra ity mihitsy, amin'izay no tonga Jesosy ka miantso azy ireo, nanao hoe, "Aza matahotra. Izaho ity. Mbola momba anareo foana Aho. Eto Aho mba haneho Ny Teniko." Tahaka Azy tamin'izany, dia toy izany koa Izy ankehitriny. Izy no nilaza fa hanao an'izany Izy. Oh, oadray! Tonga ny Mpampianatra ka miantso antsika.

¹⁶⁷ Ireo olona marary maro eto, tsy isalasalana, fa mipetraka eto izy ireo, ary nilaza taminareo ny dokotera fa tsy misy intsony—intsony fanantenana ho anareo. Mety ho ao anatin'ny oranareo maizina indrindra ianareo, saingy, tsarovy, tonga ny Mpampianatra ka miantso anareo.

¹⁶⁸ Ary indray andro any, indray andro any, dia ho tonga ny Mpampianatra ka hiantso ny anarana rehetra izay voasoratra ao anatin'ny Bokin'ny Fiainan'ny Zanak'ondry. Raha tsy ao ny anareo, dia ataovy ao izany ankehitriny, satria ho avy Izy ka hiantso. Na dia ireo izay ao am-pasana aza dia handre Ny Feony ka hivoaka ho amin'ny Fiaainana. Ho avy ny Mpampianatra ka hiantso anareo. Ary raha mbola miantso Izy androany, dia valio ary manaova fiomanana ho an'izany Andro izany, izany no torohetivtro ho anareo.

¹⁶⁹ Ny teny fikasan'ity taona ity, Izy no nampanantena fa ho eto Izy. Ireo zavatra izay Nataony, dia Hataony indray, ary ankehitriny indray dia tonga ny Mpampianatra ka miantso anareo.

¹⁷⁰ Ndao isika hanondrika ny lohantsika. Manana pejy enina amboniny aho eto, saingy izaho—izaho dia tsy afaka maka an'izany ankehitriny. Ndao isika hanondrika ny lohantsika. Nampanantena ny hamoaka aloha aho, ary efa nihoatra fahefak'adiny sahadys izao.

¹⁷¹ Ray An-danitra, O Tompo, aoka hitranga indray izany. Ireo zavatra rehetra izay nolazaiko ireo hoe, “Tonga Jesosy ka miantso anao.” Inona no Ataony rehefa tonga Izzy? Miantso Izzy. Ary aoka hitranga indray izany, Tompo. Aoka Ny Fanahinao Masina ho tonga eo anivon’ny olona izao hariva izao, ny Tompo Jesosy ao amin’ny endriky ny—ny Fanahy. Aoka Izzy ho tonga izao hariva izao ka hanambara ny Tenany, ary avy eo dia haneho ny Tenany. Tahaka an’ireo olona ireo, toy ny ahoana no ninoan’izy ireo, no hinoanay, ihany koa, Tompo. Misy maro eto, angamba, izay tsy nanana mihitsy an’izao fanararaotra izao. Mivavaka izahay mba Hanekenaao an’izany ho azy ireo indray izao hariva izao. Fa mangataka an’izany ho an’ny voninahitr’Andriamanitra izahay, amin’ny Anaran’i Jesosy. Amena.

¹⁷² Izay ilay izy, ranabavy, saingy mandrosoa miaraka amin’izany fotsiny. Tsara izany. Mandehana mandroso mihitsy. Oh, aoka tena hangina, ny olona rehetra.

¹⁷³ Mino ve ianareo fa tonga Izzy? Tonga Izzy. Mbola miantso foana ve Izzy rehefa tonga Izzy? Ankehitriny raha hino fotsiny ihany ianareo. Raha hino fotsiny ihany ny Tenin’Andriamanitra ianareo, dia hanaiky an’izany Andriamanitra.

¹⁷⁴ Ankehitriny jereo, tsy manana fotoana hiantsoana laharam-bavaka aho eto. Hiantso azy ireo aho rahariva, any, raha sitraky ny Tompo. Tonga ny Mpampianatra. Tonga Izzy hanatanteraka Ny Teniny amin’ny andro farany. Ary izay naха-izy Azy tamin’izany, no Izzy androany. Izay naха-izy ny Fanehoany na fanondroany tamin’izany, no izy androany, satria mbola ny Tenin’Andriamanitra foana Izzy. Mino an’izany ve ianareo? [Hoy ny fiangonana hoe, “Amena.”—Mpand.] Ary ny Tenin’Andriamanitra dia mpamantatra an’ireo eritreritra, ireo fisainan’ny fo. Ary ny fomba izay Nataony tamin’izany, no fomba izay Nataony foana. Mbola tsy miova Izzy. Raha hanao an’izany Izzy izao ankehitriny izao, dia hino Azy ve ianareo? Hanao anareo hino Azy ve izany?

¹⁷⁵ Ianareo olona eo ireo ankehitriny, avelao aho hijery aloha dia hahita raha misy olona izay fantatro, mipetraka any ho any ato, izay fantatro.

¹⁷⁶ Ny rehetra izay manodidina, izay ato, ka tsy mahafantatra ahys, atsangano ny tànanareo; mahafantatra fa izaho dia tsy mahafantatra na inona na inona momba anareo, nefy marary ianareo, atsangano ny tànanareo. Ataoko fa, ny olona rehetra. Eny àry, ankehitriny, minoa ianareo. Minoa amin’ny fonareo rehetra fotsiny ianareo. Aza misalasala. Manàna finoana. Minoa an’Andriamanitra.

¹⁷⁷ Hangataka aminareo aho mba tena hangina, mipetraha. Aza mivezezy ankehitriny, azafady aza mivezezy. Hitanareo? Hitanareo? Ianareo dia—dia aina iray, vatana, ary fanahy. Ary ny fanahinareo... Ary tena saro-kenatra ny Fanahy Masina.

¹⁷⁸ Firy no mahatsiaro, taona maro lasa izay, an'ilay Fanahy Masina, rehefa tonga teto aho ka niteny taminareo? Rehefa mandray ny olona amin'ny tànana aho, dia nilaza tamiko Izy fa ho tonga io famantarana io, ary avy eo dia nitohy? Tsaroanareo ve izany, tsaroanareo izany? Fa hoy Izy hoe, "Raha afaka mahazo ny olona hino anao ianao." Tsaroanareo ve ireo andro ireo, taona maro lasa izay? [Hoy ny fiangonana hoe, "Amena."—Mpand.] Tsy maintsy mino ianareo.

¹⁷⁹ Nahita lehilahy iray aho, mino aho fa teto izy tamin'ilay favoriana hafa, nippetraka teo mihitsy. Ary ny Fanahy Masina... Nijery azy aho rehefa nitory teny. Lehilahy kilemaina izy. Nanana tehina izy teo ambanin'ny sandriny. Ary vao nanomboka nanao an'ilay antso mihitsy aho, dia tonga teo amin'ilay lehilahy i Satana, aloka mainty iray. Ka nodinihako tamin'ny masoko manokana izany. Nitsangana izy sady lasa nivoaka. Ho kilemaina foana izy, hitanareo. Ary noho izany, izy, nefä tokony ho sitrana mihitsy izy teo raha izy fotsiny—fotsiny... Hitanareo? Saingy, fotsiny, tsy fantatro hoe nahoana. Ataoko fa nihaino fotsiny an'ilay fahavaloo izy. Saingy raha hitsangana ianareo ka handinika an'ireo aloka ireo, hahita an'ireo zavatra ireo ao amin'ny endrika, ny fomba maha-izy azy ireo, dia diniho izy ireo hoe ahoana no ataony. Hitanareo, hisy izany.

¹⁸⁰ Ankehitriny, tsy afaka manasitrana aho. Ny olona izay miteny aminareo fa afaka manasitrana anareo, dia diso izy. Efa sitrana ianareo. Fa, izany dia ny fahalalana ny Fanatrehan'i Jesosy Kristy. Ankehitriny raha nahafantatra i Marta fa afaka hahita Azy indray izy, fa afaka hahazo ny faniriany izy, satria Izy no Teny voaseho, dia tsy afaka ny hino betsaka an'izany ve isika izao hariva izao, hino an'izany? Azo antoka, tokony hino isika. Tonga Izy. Tonga Izy, tonga Izy ao amin'ny endrika Fanahy Masina. Izany No maha-izy Azy. Ankehitriny mivavaha fotsiny ianareo.

¹⁸¹ Hitanareo, eto ambony eto, raha nanana olona iray nitsangana aho teto, teto akaikiko teto mihitsy, izay—izay nivavaka fotsiny; nahita olona maro nivavaka aho, manerana ny tranobe rehetra izany. Tsy maintsy mandinika an'izany fotsiny ianareo. Tsy afaka milaza ianareo. "Lazao, Rahalahy Branham..." Tsia, tompoke. Izaho—izaho tsy afaka manao an'izany, mihoatra noho ny tsy hahafahanareo mampanonofy ahy nofy iray. Hitanareo? Mety manonofy ianareo. Ianareo, afaka mampanonofy anareo nofy iray ny amiko Andriamanitra, mino an'izany ianareo, saingy tsy afaka manao an'izany amin'ny tenanareo ianareo. Tsy afaka miteny ianareo, hoe, "Rahalahy Branham, hanonofy nofy iray ny aminao aho ankehitriny." Tsia, tsy afaka manao an'izany ianareo. Tsy afaka mahita fahitana iray koa aho. Izay hany manome nofy iray anareo, izany no anankiray tsy maintsy hanao azy. Toy izany koa ny amin'ny fahitana iray.

¹⁸² Mahita lehilahy iray mipetraka eto mihitsy aho eny amin'ny faran'ny laharana, miaraka amin'ny aretin-kozatra. Raha hino amin'ny fony rehetra izy, dia hanasitrana azy amin'ilay aretin-kozatra Andriamanitra. Mino ve ianao fa hanao an'izany Izy, tompoko? Mipetraka eo io, ilay lehilahy Meksikana, mipetraka eny amin'ny faran'ny laharana, hino an'izany ve ianao? Eny àry, tompoko.

¹⁸³ Ilay ramatoa mipetraka eo akaikinao, izy dia tratry ny aretin-kozatra, ihany koa. Mino ve ianao fa hanasitrana anao Andriamanitra, ramatoa? (Misy ako iray ve *ity*? Matahotra aho sao tsy mandre an'ilay izy ny olona.) Hino ianao? Eny àry.

¹⁸⁴ Ahoana ny amin'ilay ramatoa kely Meksikana hafa mipetraka eo akaikiny? Mijaly amin'ny aretim-bavony izy. Mino ve ianao fa hanasitrana ny aretim-bavoninao Andriamanitra, ramatoa?

¹⁸⁵ Azony ilay izy. Rehefa hitako io Hazavana io nidina, izany no midika fa nitranga ilay izy. Hia. Izay ilay izy. Nandona azy Izany. Teo Izany, nisangodingodina...[Elanelana tsy voarakipeo—Mpand.]...izany no nanao an'ilay izy. Hitanareo? Rehefa afaka mahita an'ilay finoana Izy! Hitanareo, “Zavatra maro no tsy Azony natao nohon'ny tsi-finoan'izy ireo.”

¹⁸⁶ Indro ramatoa iray mipetraka eto mivavaka, eto mihitsy. Matahotra izy. Tsy maintsy matahotra izy. Tratry ny aretina homamiadana izy, tena ratsy. Tsy mahafantatra anao aho, fa Andriamanitra no mahafantatra anao. Mino ve ianao fa afaka miteny amiko mikasika an'io homamiadana io Andriamanitra, na zavatra iray hafa? Jereo aho. Misy betsaka eo no mivavaka, hitanao, izany no antony ilazako an'ilay izy. Jereo izahay. Ankehitriny, eny, tsy avy eto ianao, tsy ity no tanànanao. Ianao dia avy any amin'ny toerana iray antsoina hoe Porterville, California. Marina izany. Mino ve ianao fa afaka miteny amiko Andriamanitra hoe iza ianao? Fantany. Ny anaranao dia Rtoa. Wintham. Marina izany. Ankehitriny minoa, dia hiala aminao ilay homamiadana. Raha mety mino ianao! Izay ihany no angatahan'Andriamanitra mba hataonao. Raha mety mino ianao!

¹⁸⁷ Tsy mino an'izany amin'ny fonao rehetra ve ianao? Olona iray ao amin'ity ilany *eto ity*, tsy afaka mino ve ianao? Tonga ny Mpampianatra ka niantso anao. Miantso anao avy ao amin'ny fahafatesana ho amin'ny Fainana Izy, avy amin'ny aretina ho amin'ny fahasalamana.

¹⁸⁸ Indro ny lehilahy iray mipetraka eto aoriana eto mihitsy, miondrika ny lohany, mivavaka. Tsy tena mivavaka ho an'ny tenany izy, mivavaka momba ny olon-kafa iray izy. Izany dia—dia zazavavy iray. Ny zanany vavy izany. Mino ve ianao, tompoko? Tratry ny aretina eo amin'ny ranjonao ianao. Tratry ny aretina eo amin'ny lohalikao ianao. Marina izany. Tsy mila

mitomany, izany no Izy eo akaikinao. Any amin'ny hopitaly ny zanakao vavy, sa tsy izany? Aretina raboka. Mino ianao. Mino ve ianao? Tonga ny Mpampianatra ka miantso azy. Hino ve ianao fa hahita azy salama tanteraka? Hino ve ianao? Enga anie Izy hamangy azy izao hariva izao, sy ianao. Enga anie hifarana izany.

¹⁸⁹ Indro zazalahy kely iray, zazalahy kely iray mitarehy volontany. Mijaly amin'ny aretin-koditra izy, sy sohika, zazalahy kely Meksikana iray, zazalahy Meksikana mipetraka eo. Tsy avy eto izy. Avy any San Jose izy. Mino ve ianao, anaka? Zavatra hafa iray, miaraka aminao eto ny rainao. Mpitoriteny izy. Marina izany. Mino ve ianao fa afaka miteny amiko Andriamanitra hoe iza no anaranao? Hanao anao tena hino mafy ve izany? Ny anaranao dia Reuben. Ankehitriny minoa. Eny àry.

¹⁹⁰ Tonga ny Mpampianatra ka miantso anareo Izy. Oh, ry mpanota, oh, ry olona marary, tsy hitanareo ve ny Mpampianatra voaseho ao anatin'ny vatan'olombelona iray, eo anelanelan'ireo mpino? Tonga Izy mba hiantso an'ireo Zanany izay mino ho amin'ny fahasalamana. Tonga Izy mba hiantso ny mpanota ho amin'ny fibebahana. Ry mpiverin-dàlana, ry mambram-piagonana, tonga ny Mpampianatra ka miantso anareo.

¹⁹¹ Mino an'izany ve ianareo? Mino an'izany ve ianareo ho an'izay ilainareo izao ankehitriny izao? Raha mino ianareo, dia atsangano ny tànanareo, manaova hoe, "Mino ho an'ny ilaiako aho." Noho izany dia mitsangàna ankehitriny ka ekeo izany. Tonga ny Mpampianatra ka miantso anareo izy. Ary na iza ianareo na iza, na inona na inona ilainareo, tonga ny Mpampianatra ka miantso anareo Izy. Izy no tsy miova omaly, anio, ary mandrakizay.

¹⁹² Nandeha tany an-tanàna io vehivavy kely io, ary nanao hoe, "Avia, hijery Lehilahy iray Izay nilaza tamiko an'izay tsy nety." Tsy niditra tao amin'ilay tanàna ianareo. Tonga ianareo ary nahita an'izany, ny tenanareo, noho izany dia tonga ny Mpampianatra ka miantso anareo.

¹⁹³ Atsangano ny tànanareo ka derao Izy, ary manaova hoe, "Tompo Jesosy, mpanota aho; mameùà ahy. Mpiverin-dàlana aho; avereno aho, Tompo. Mila ny Fanahy Masina aho; fenoy aho. Marary aho; sitrano aho. Kilemaina aho; ataovy salama aho." Tonga ny Mpampianatra ka miantso anao. Atsangano ny tànanareo ankehitriny ka omeo Azy ny dera. Amena.

¹⁹⁴ Omeo naoty kely izahay eto, "Ho deraiko Izy, ho deraiko Izy." Fantatrareo, "Ho deraiko Izy." Fantatrareo izany, sa tsy izany? Mino ve ianareo?

Ho deraiko Izy, ho deraiko Izy,
Oh, derao ilay Zanak'ondry voavono ho an'ny
mpanota;

Omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

¹⁹⁵ Tianareo ve Izy? Ankehitriny tsy tianareo ve ny hihira ho Azy raha mbola eto Izy? Izy dia Fanahy iray mihetsika manerana ny tranobe. Izy no mahafantatra ny fonareo, mahafantatra ny rehetra momba anareo. Ndao isika hihira an'izany ho Azy, amin'ny fontsika rehetra.

Ho deraiko Izy, (atsangano ny tanganareo rehefa manao an'izany ianareo), izaho... (ankehitriny derao fotsiny Izy)... deraiko Izy,
Oh, derao ilay Zanak'ondry voavono ho an'ny mpanota;
Oh, omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

¹⁹⁶ Oh, ramatoa, ianao ao amin'ny seza misy kodiarana io, raha hino fotsiny amboniny kely eo mihitsy ianao. "Izaho..." Ndao isika hanandrana an'izany indray mandeha. Miandry zavatra iray aho.

Ho deraiko Izy, ho deraiko Izy,
Oh, derao ilay Zanak'ondry voavono ho an'ny mpanota;
Omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

¹⁹⁷ Ankehitriny raha mbola mihira an'izany indray isika, mitodiha, raiso ny tangan'ny olona iray, raha mbola mihira an'izany isika, mihira, "Ho deraiko Izy." Avia, ny rehetra miaraka ankehitriny.

Ho deraiko Izy, ho deraiko Izy,
Derao ilay Zanak'ondry voavono ho an'ny mpanota;
Omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

¹⁹⁸ Oh, ry sakaiza mpanota, tsy hiakatra eto ve ianareo ankehitriny? Miakara dia omeo Azy ny dera, ianareo olona rehetra. Ianareo olona rehetra izay te-hiaiky Azy ho Mpamponjy. Ao amin'Ny Fanatrehany, raha mbola manompo ao amin'ny Fanahy ireo masina, tsy ho avy eto ve ianareo ka hitsangana? Manaova hoe, "Te-hilaza aho, izao hariva izao. Te-hanome Azy ny dera aho. Te-ho avy aho. Tsy menatra Azy aho. Tiako ho fantatr'izao tontolo izao fa manaiky Azy ho Mpamponjiko aho, eto mihitsy raha mbola manatrika Izy." Avia raha mbola mihira an'izany isika.

Ho deraiko Izy, (tsy ho avy ve ianareo?) ho deraiko Izy,
Oh, derao ilay Zanak'ondry voavono ho an'ny mpanota;

Oh, omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

¹⁹⁹ Oh, izay ilay izy, ramatoa, avia avy hatrany. Iza no hafa ho avy, ao amin'ny Fanatrehan'i Kristy? Avia eto avy hatrany, ranabavy, mitsangàna eto.

²⁰⁰ Olona iray hafa izay mila Azy ho Mpamонjinareo, izao ankehitriny izao, izay tsy menatra. Hoy Izy hoe, "Raha menatra Ahy eo anatrehan'ny olona ianareo, dia ho menatra anareo eo anatrehan'Ny Raiko sy ireo Anjely masina Aho." Raha tsy menatra Azy ianareo ankehitriny, ka mila Azy ho Mpamонjinareo, raha mbola eto Izy! Efa nahita Azy ianareo. Tena tanteraka izany, ny Teny Izy tenany no nampahafantatra an'Izany. Miakara raha mbola manompo ireo masina ankehitriny. Tsy hiakatra ve ianareo?

²⁰¹ Andriamanitra hitahy anao, tompoko. Indro tonga ny ramatoa antitra iray, tonga eo amin'ny tena taona iray. Tsy ho avy ve ianareo ankehitriny?

Izaho dia... (hirao izany ankehitriny)... Ho deraiko...

²⁰² Marina izany, ry olona tanora, tongava avy hatrany. Miderà fotsiny. Andriamanitra hitahy anao, ramatoa, izany no fomba hanaovana azy. Andriamanitra hitahy anareo, ry tanora.

...voavono ho an'ny mpanota;
Omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

²⁰³ Raha mbola manatona an'ireo olona ireo ny mpitoriteny ankehitriny tsy hisy olon-kafa ho avy ve? Ry mpiverin-dàlana, ho avy ve ianareo, hanao hoe, "Menatra ny fiainako aho"? Eto Izy. Mino ahy ho mpanompon'Andriamanitra ve ianareo? Atsangano ny tènanareo. Nahoana, eto afovoantsika Jesosy Kristy. Tsy ho avy ve ianareo?

Omeo voninahitra Izy... (Tsy ho avy ve ianareo,
hanome voninahitra Azy?)... ry olona,
Fa Ny Ràny no nanadio...

²⁰⁴ Ry Marta, ho avy ve ianao, sa hipetraka ao an-trano miaraka amin'i Maria? Hipetraka aorian'ny rafi-pandaminana iray ve ianareo, ka hanao hoe, "Oh, tsy tahaka an'izany no inoan'ny fiangonako an'Izany," nefo tonga voaseho Kristy? Hipetraka any aoriana ve ianareo ka hiteny an'izany, sa hivoaka ianareo? "Eny, ho lazaiko anao, rehefa izaho..." Tsia. Androany, izao no ora. Mihantona manodidina anareo ny fahafatesana, tahaka ny zanakavavin'i Jairo.

²⁰⁵ Avia ankehitriny! Ry mpiverin-dàlana, avia ankehitriny. Ry mpanota, avia ankehitriny. Izao no fotoana. Tonga ny Mpampianatra ka miantso anareo Izy. Miantso anareo Izy. Hoy ianareo hoe, "Ahoana no ahafantarako?" Mampiasa ny feoko Izy.

Raha mampiasa ny feoko hilaza aretina Izy, fahoriana sy ny sisa, dia tsy fantatrareo ve fa miantsosy ho an'ny ota koa Izy. Mivoaha! Avia ankehitriny, mety ho izao no fanararaotra farany izay hany hanananareo.

²⁰⁶ Indray mandeha koa, misy mbola tokony ho avy ato, ry sakaiza. Tsy te-hampanahirana anareo aho, ny hiantso anareo hivoaka tahaka an'izao. Tsy tsara izany. Raha indraindray angamba ianareo no... Ireo Fariseo ireo dia nihevitra fa voavonjy izy ireo, saingy tsy voavonjy izy ireo. Ianareo dia mihevitra tahaka an'izany. Avia ankehitriny.

²⁰⁷ Mahazoa antoka! Aza, aza mitsapatsapa antsasa-dàlana eo amin'izany fotsiny. Raha misy fisalasalana kely iray fotsiny ao amin'ny sainareo, dia aza mitsapatsapa. Avia ankehitriny. Ankehitriny no fotoana, raha mbola misokatra ilay Loharano ankehitriny, raha mbola eto ny Fanahy Masina. Tonga ny Mpampianatra. Io fisalasalana kely io, izany no antony Iezahany hilazana aminareo hoe, "Misalasala ianareo." Faràno izany. Avia, ankehitriny. Tonga ny Mpampianatra ka miantsosy anareo. Marina izany, manohiza tonga, manohiza tonga avy hatrany.

Ho deraiko Izy, ho deraiko Izy, (Tsy ho avy hanome
Azy ny dera ve ianareo?)

Derao ilay Zanak'ondry voavono ho an'ny
mpanota;
Omeo voninahitra Izy, ianareo olona rehetra,
Fa Ny Ràny no nanadio ny pentipentina tsirairay.

²⁰⁸ Ankehitriny raha mbola tonga ireo mpanota, mba hitaky Azy; aoka ny olona hanome Azy ny dera, raha mihira an'izany isika ankehitriny. Mitsangàna miaraka amin'ny tènanareo, mihirà, ary derao Izy, ny rehetra miaraka.

Ho deraiko Izy, ho deraiko Izy,
Derao ilay Zanak'ondry voavono ho an'ny
mpanota!

²⁰⁹ Omeo Azy fotsiny ny dera! Ianareo olona manodidina eto, mivavaha, angataho Izy mba hamela anareo. Izany no Hataony. Tonga ny Mpampianatra ka miantsosy anareo. Andriamanitra hitahy anareo.



AVY EO DIA TONGA JESOSY KA NIANTSO MAG64-0213
(Then Jesus Came And Called)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alakamisy hariva, 13 Febroary, 1964, tao amin'ny Elliott Auditorium ao Tulare, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org